

सानसेयारि "बड'सा" ख्रौरांलाइयाव स्रमाजयारि जिउजो लोब्बा थावाय रायथाय, खन्थाय, सल', सल'बाथा आरो दवबायारि थावनि, पार्क बाइदिनि स्यायाव लिन्नाय लिन्बिदां दैथाय हर/ सानसेयारि "बड'सा" ख्रौरांलाइया स्रेबखानानि फोस्वावगोन।

बड'स्यायाव लिन्हरनायनि हुबा ख्रालाम, "बड'सा" ख्रौरांलाइया, जो बयबो आंगो ख्रालाम।

सानसेयारि बड'सा मावखलि

माइबं नोगोर, जोहोलाव दैमालु लामा

कक्राझार, बिटिमि-783370

Website: www.bodosanewspaper.com

# सानसेयारि बड'सा



1 जानुवारीनिफ्राय  
आसामाव गासैबो  
फरायसालिफोरा  
गैफिनसिगोन

## फरायसाफोरा गावनि गियानखौ हादरनि रांखाथि दानायाव मोनसे गोहो महरै बाहायनांगो: गादकारि



गुवाहाटी, 25 डिसेम्बर:

आसाम सरकार आ थांखि लादोदि, फेगो 2021 मायथाइनि 1 जानुवारिनिफ्राय राइज्योनि गासैबो फरायसालि आरो गुबुन सोलौंथाय फस'थानफोरा गैफिनसिगोन। दिने बे गोनां बाथाखौ मिथिहोदों सोलौंथाय बिफाननि मन्थि हिमन्त बिस्व शर्माआ। खौरांगिरि मेल खुनाने (□ 5 बिलाइआव)

आसाम मुलुगसोलौंसालिनि जथुम्मायाव मिरुनि मन्थि नितिन गादकारि आरो गिबि मन्थि सनवालआ बाहागो लादों

दिसपुर, 25 डिसेम्बर:

मिरुनि रोगाथाय बिफान आरो माहारियारि राजा लामा लुफुंथाय बिफाननि मन्थि नितिन गादकारि आरो गिबि मन्थि सर्बानन्द सनवालआ दिने सिलचरनि आसाम मुलुगसोलौंसालिनि 18 थि जथुम्मानि हाबाफारियाव बाहागो लादों। मख'नो गोनादि दिनेनि बे जथुम्मायाव मुलुगसोलौंसालिनि 2018-2019 मायथायजों लोगोसे (□ 5 बिलाइआव)



## आसामनि आबादारिफोरजों गाहाय मन्थि नरेन्द्र मदिआ भिडिअ कनफारेन्सआव सावरायलायदों



गुवाहाटी, 25 डिसेम्बर : खोनासदों। मख'नो गोनादि बारग' गाहाय मन्थि रुंसारि अटल बिहारी बाजपेयीनि गोसोखांथियाव बिथानि जोनोम सान 25 डिसेम्बर अक्ट'खालि मोनसे गोथार सान महरै

## माजबातआव पाचनै सेरफां बियाबनि गोदानै बिबान मोननाय मावफुं सोद्रोमा दिपक मौरखौ बरायदों

उदालगुरि, 25 डिसेम्बर: फोथाय भटआव देरहानायनि उनाव दासान्दि गाव-गावनि बियाबाव सहैनाय समाव बियाबनि राइजो-राजाफोरा बिजाथिफोरखौ रंजा-बाजायै बरायनायखौ दासान्दि नुनो मोनदों। बेबादिनो उदालगुरि जिल्लानि सिडव थानाय 39 नं पासनै सेरफां बियाबनिफ्राय राइजो-राजाफोरनि आबुं भटनि हेफाजाबजों देरहानानै गोदान बि टि आर खुंथायनि बिसायख'जानाय आरो बिबान मोननाय मावफुं सोद्रोमा दिपक मौरखौ दिने माजबातआव गोबां राइजो-राजाफोरा रंजा-बाजायै बरायनाय जायो। 39 नं पासनै सेरफां मन्दल बियाबनि बान्जायनायाव खुंनाय बरायनाय मेलआव बियाबनि खमैबो (□ 5 बिलाइआव)

## गोथार बरदिन रंजाथाय फोरबोआव मन्थि प्रमिला रानि ब्रह्मआ बाहागो लादों



कक्राझार, 25 डिसेम्बर: दिने 25 डिसेम्बर एवा बे सानखौ लोब्बा लाखिनानै गुबुन गुबुन बोसोरफोरनि बादिनो देरलायबो राइज्योनि खुष्टियान धोरामारिफोरा गोथार बरदिन रंजाथाय फोरबोखौ गाजा-गोमजायै फालियो। राइज्योनि गुबुन गुबुन जिल्लाफोरजों लोगोसे कक्राझार जिल्लायवावो दिने गोथार बरदिन फोरबोखौ रंगिना-संगिना हाबाफारि (□ 5 बिलाइआव)

फालिनाय जायो। बे बोसोरनि बारग' गाहाय मन्थिनि जोनोम सानखौ लोब्बा लाखिनौं गाहाय मन्थि नरेन्द्र मदिआ दिने प्रधान मन्थि किसान निधीनि सिडव गासै 9 कौटि आबादारि नखरनि एकाउन्सिम थोंजोडे 18 रोजा कौटि रांखौ सोहरनाय जायो। लोगोसे हादरनि गुबुन गुबुन आबादारिफोरजों सावरायनायजों लोगोसे आबादारिफोरखौ जिउ खानाय बिथिडव सोलिनानय (□ 5 बिलाइआव)

## कंग्रेस दोलोआ एम एल ए अजन्ता नेउगखौ दोलोनिफ्राय होखारबाय



गुवाहाटी, 25 डिसेम्बर: आसाम प्रदेश कंग्रेस कमिटी सुंद'थै ए पि सि सि आ दिने गलाघाट बिधानसभा बियाबनि एम एल ए आरो बारग' पि

## बुर्लुबुथुरनि सायाव धुबुरी-फुलबारि फोनांजाव दालां लुफुनायनि हा फुजा होदों

दिसपुर, 25 डिसेम्बर: मिरुनि रोगाथाय बिफाननि मन्थि नितिन गादकारि आरो आसामनि गिबि मन्थि सर्बानन्द सनवालआ दिने सिलचरनि माहारियारि गाहाय लामानि जिर' पयेन्टआव लुफुं नाय आगुनि गाहाय मन्थि रुंसारि अटल बिहारी बाजपेयीनि ब्रन्ज गाबनि मुसुखाखौ बेखेवनानै होयो। बेनि लोब्बायै सिलचरनि रंपुर गोजौ फरायसालिनि गेलेग्रा फोथाराव खुंनाय मोनसे गेदेर सुबुं मेलआव मिरुनि मन्थिजों लोगोसे गिबि मन्थि सर्बानन्द सनवालआ हादरनि

## आसामनि नैथि मेडिकेल कलेजनि अन्थाय खाम्पा गायसननाय हाबाफारियाव नखर मन्थि अमित शाहआ बाहागो लागोन: हिमन्त

गाहाय खुंगिरि प्रमद बर'आ नख'र मन्थिजों सावरायलायगोन

गुवाहाटी, 25 डिसेम्बर: आसाम बिधान सभा बिसायख'थिया खुंजागोननि गेजेराव माखासे दानल'थानायनि गेजेरावोनो बिसायख'थिखौ मिरु खालामनानै बि जे पि दोलोआ राइजो-राजाफोरनि हेफाजाब मोननायनि थांखिजों माखासे



मुलाम्फायारि बिथांखिफोर आजावना लानाय आरो फोसावनायखौ बे समाव नुनो

डब्लिड डि बिफाननि मन्थि अजन्ता नेउगखौ दोलोनि खांथि बारगा हाबा मावनायनि थाखाय गुदि सोद्रोमानिफ्राय होखारनाय जाबाय। दिने ए पि सि सिनि गाहाय नेहाथारी रन्जन बराआ एम एल ए अजन्ता नेउगखौ दोलोनिफ्राय होखारनाय आयदानि सायाव गोनां बाथाखौ मिथिहोयो। रन्जन बराआ मिथिहोनाय बादिब्ला मिरु कंग्रेस दोलोनि आफादगिरिनि गनायथि



गाहाय मन्थि नरेन्द्र मदिआ रुंसारि गाहाय मन्थि अटल बिहारी बाजपेयीनि जोनोम सानजों लोगोसैयै लोब्बा लाखिनौं फालिनाय मोजां खुंथाय साननि लोब्बायै हादरनि आबादारिफोरखौ थांखिनानै

## आसामाव गिबि खेब भारत-बांलादेश सिमायाव थानाय रैखाथि हाब्जाया जथुमदों

गुवाहाटी, 25 डिसेम्बर: आसामाव गिबि खेबनि थाखाय भारत आरो बांलादेश सिमा रैखाथि हान्जानि गेजेराव मोनसे गोनां जथुमनाय मेलखौ खुंदों। बे मेलआव दरनै हादरनि सिमा रैखाथि हान्जानि बिबानगिरिआ सावरायलायनानै माखासे गोनांथाय थांखिफोर आजावनानै लादों होननानै सुलुंनिफ्राय मिथिनो मोनदों। सुलुंनि बादिब्ला बे सावरायनायनि गेजेराव बयनिखुइबो गोनांथाय आयदायानो जादों सिमा ओनसोलजों आयेन बेरेखायै हाबफेनाय। नाथाय बे आयेन

बेरेखायै हाबफेनाय आयदानि सोमोन्दोआव सावरायलायनाय जादोंब्लाबो दरनै हादरआ सावरायनायाव सिमा माबादि बे बिथिडव राहा (□ 5 बिलाइआव)



## ए पि एस सि आनजादनि फिथायाव सा 7 बर' बिजाथिफोरा उथ्रिसारदों

कक्राझार, 25 डिसेम्बर: आसाम पाब्लिक सार्भिस कमिसन सुंद'थै ए पि एस सि 2018 माइथायाव खुंजायान आनजादनि फिथायखो मैया गेवलाडे फोसावनानै होबाय। बे आनजादनि फिथायाव दुलाराय आसामनिफ्राय गासै सा 135 बिजाथिफोरा उथ्रिसारनो हादों। अदेबानि ए पि एस सि आनजादनि फिथायाव उथ्रिसारनाय सा 135 बिजाथिफोरनि गेजेराव सा 7 बर' बिजाथि एवा फरायसाफोरा एस टि (पि) खथानि गेजेरजों उथ्रिसार जानो हादों। मिथिनय बादिब्ला ए पि एस सि आनजादनि मोन 14 एस टि (पि) खथानि गेजेराव मोन 7 मासिखौ बर' फरायसाया उथ्रिसारनो हायो। आनजादआव (□ 5 बिलाइआव)

## हिन्दी भाषी बिकाश परिषदआ बि टि सिआव सायख'जानाय सोद्रोमा थिसननो दाबि



कक्राझार, 25 डिसेम्बर: दैदेनाय इउ पि पि एल, बि जे गाहाय खुंगिरि प्रमद बर'नि पि आरो जि एस पि जुथाय

सरकारनि बि टि आर खुंथायाव सायख'जानाय सोद्रोमा थिसननो दाबि खालामदों अखिल हिन्दी भाषी बिकाश परिषदआ। बि टि सिआव हिन्दी राव रायचलायग्रा सुबुंफोरनि जौगाखानायनि थाखाय सासे नमिनेटेड मेम्बर थिसननांगौ होननानै गाहाय खुंगिरि प्रमद बर'जों लोगोसे (□ 5 बिलाइआव)

## बाक्सानि उत्तरकुसिआव बाक्सा जिल्ला बि टि ए डि जार्नालिष्ट एस'सियेसननि नैथि बोसोरारि जथुम्मा

बिनय कुमार बर'खौ आफादगिरि आरो शंकर राजबंशिखौ गोदान नेहाथारि सायख'बाय

मुसलपुर, 25 डिसेम्बर: बाक्सा जिल्लानि भारत-भुटान सिमनायाव थानाय उत्तरकुसिनि दै जगाय बिथांखिनि आलासि जिरायसालि न'मायाव शुक्रवारखालि बाक्सा जिल्ला बि टि ए डि जार्नालिष्ट (□ 5 बिलाइआव)



## सिंग्रि इडुकेसनल आरो सेरिटेबल ट्रास्टआ क्लथ बेंक बेखेवदों

देकियाजुलि, 25 डिसेम्बर:



थानाय सिंग्रि ओसोलआव बरसला बियाबनि सिडव सिंग्रि इडुकेसनल आरो सेरिटेबल ट्रास्टनि नेहाथारि एवा आसाम सेबानि मेट्रिक आन्जादआव गोजौ मासि लानानै उथ्रिसारनो हानाय फलस्टार एकाडेमि गोजौ फरायसालिनि बिबुंगोरा स्वरुप सर्माआ फोरमायनाय बादिब्ला (□ 5 बिलाइआव)

# सुजुगिरिनि खोलाम

## रां आर्जिनायनि लामाखौ बिफां- लाइफांनि फुलि जगायनाबो लानो हागौ थां

नानै थानायनि थाखाय गोबां लामा दडहोन्नानै बुंनाय जायो। आबादनिक्राय लानानै बाइदिसिना खामानि-दामानिफोरनि गेजेरजोबो थानानै थानायनि लामा दिहुन्नो हायो। आबाद होनोब्ला जोनि मानसिफ्रा दैज्जानि माइ आबाद, मेसेनि मैंग-थाइंग, सबाय-सिबि-बेसर बाइदिसिना आबादफोरखौनो हमनानै लानाय जायो। नाथाय बेनि अनगायैबोदि-ना फिसिनाय, दाव-हांसो, बोरमा-अमा फिसिनाय, मैंग-थाइंगजों लोगोसे बाइदिसिना बिफां फुलि जावयैनाय, नारें लेबु, थाइजौ, लिचु बाइदिसिना फिथाइ-सामथायनि फुलि खालामनानै, गायनानै फिथाइ-सामथाय दिहुन्नानै थानानै थानो, नख'र सामलायनो खामानि-दामानि गैयै सुबुंफोरनो सरकारनि बिथिनिक्राय मदत होनायनि राहा दडह। नाथाय बेफोर राहाखौ साबेसे बेकारफ्रा मोनफुनो हादों आरो साबेसेया बेफोरबादि स्कीमनि गेजेरजों थानानै थानायनि लामा दिहुन्नो हादों होन्नानै सॉनायनिबो जाहोन गैया नड दड। अदेबानि बेनि मोन्दाथिखौ जायफोरा मावनानै जाबोदों बिसोरसो बेनि फिन्नायखौ गेबेडै होनो हागोन।

आधिकाल हाथाय-बाजाराव बोथोर नाथै बोथोरनि मैंग-थाइंग-फान्थाव, टमेट, कफि, फानलु बाइदिसिना मैंगनि फुलि जावयैनाय फान्थाव बादिनो- थाइजौ, नालेंखर, गय, नारें लेबु, लिचु, जाम्बुजों लोगोसे बाइदिसिना रोखोमनि बाधाम-तकथा हाखाव जाग्रा बिफां-लाइफांनि फुलि जावयैनाय बोसोर नाडै फान्थो हानायनि राहाबो लानो हासै। मानोना आधिकाल गोगो आरो सुदेम बारहावाय मोनफुनो हानाय बादिथै आलांगा फोथारनिफ्राय लानानै लामा-सामा, न'उसु, बारि-बागान जेरावबो बिफां मायनानै सोमखै खालामनो लादों बे बिथिडै फुलिनि चाहिदाया गोबां बांबो नो हमदों।

मैंग-थाइंगनि आबाद मावनानै मुलाम्फा जानाय बादिनो मैंग-थाइंगनि फुलि जावयैनाय फान्थावबो मुलाम्फा दं। आधिकाल न'नि बारि-बागानाव बाइदिसिना रोखोमनि मैंग-थाइंग फोनानै मावनानै जानाय-फान्थावफोर बादि खालामनो हायाब्लाबो नख'राव जानाय सोलिनो आन्था रोखोम-रोखोम एफा-एफा मैंग-थाइंग गायनानै मावनानै जानायबो दंसे। दाव-हांसो, बोरमा-अमा, नाफोरनि बाधाराया आलादा। न'याव जानो आरो माफा-मानै फान्थो हानायनि थांथिखौ गामियारि नख'राव दाव-अमा, बोरमा, हांसोफोरखौ फिसिनाय जाखायो। नाथाय फार्म महरै फिसिनानै रांखान्थियारि बिथाखौ खोमथा खालामनो हानायनि राहाखौबो लानो रॉनांगोन। युबैथै आधिकालाव दावदैन चाहिदाखौ नायनानै दावदै दिहुन्नानायनि फार्मबो गायसन्नो गोनांथि दं।

## दिनैनि फानजायुधि

**राशि बाइदियै मुंनि गिबि हांखो**  
 मेष : अ ल बृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : त र बृश्चिक : ब न धनु : ध भ (ड फ) मकर : ख ज कुम्भ : ग श (स) मीन : द च (ख ज झ)

**मेष:** मोजां रॉगथिनि थाखाय मानखौ बांहोनो हागोन। बयजोंबो अनसाय जागोन। मोजां सान।

**बृष:** बायदिसिना सानखानानै जिंगा सिफलांनो हागौ। सगोसो हमथानानै थानाया गाहाम।

**मिथुन:** माखौबा लानानै गोसोआव रागा जाफलांबायनो हागौ। गोसोखौ हमथानानै लाखि।

**कर्कट:** जिंगा सिनांनयजों देहाया गेरेबनो हागौ। सान्नाय-हनायनिफ्राय गोजानाव थां।

**सिंह:** जेखि जाया मोजां खामानिफोर दडबा मावनानै लानो हागोन। दिनैनि सानआ गोथार।

**कन्या:** मानिबा जाहोनाव रां खर'सा जानो हागौ। गोसोखौ हमथा।

**तुला:** मोजां मोनलायनायाव अनलायनाया बांगोन। दौलेंआ गोरा जागोन। मोजां सान।

**बृश्चिक:** बादायनायाव बाहागो लायोबा देरहासार जानो हागौ। मोजां सुबिदा मोन्नो हागोन।

**धनु:** दिनैनि दिनआव खस्थ सैनांनो हागौ। गोजोन्नायखौ मोन्नाय नड। गोसो हमथा।

**मकर:** फारफोरमथिनिक्रायबो मान मोन्नो हागोन। माबा मोनसे बान्थाबो मोन्नो हागौ।

**कुम्भ:** हरखाबै माखौबा लानानै रागा जानो हागौ। सानै-हयै खामानिखौ माव।

**मीन:** खामानि-दामानिखौ मावनो बानाय मोन्नो हागौ। देहाखौ सांग्रडै लाखि।

## -राजेश बर' गामि-सान्जा हाजिरा, बाक्स

संसाराव दिने गोबां सुबुंफोरखौनो गुबुन गुबुन बिथिडव चलेन्ज नांनय नुनो मोनसै। सोरबाबा फरायनायाव चलेन्ज नांनय सासेया सासेखौ बारस'नो, फेजेनो नाजायो। सोरबाबा दोहोन दौलदखौ लानानै सेलेन्ज नाडे। थिक बिदिनो राजा आरो दुगामोनाबो मोनसे चलेन्ज नादों। बे चलेन्जानो जादों दोहोन दौलदखौ लानानै नांनय चलेन्ज। नाथाय मानो ? मा जाहोननि थाखाय चलेन्ज नांखो ? जाहोन दं, बे जादों- दुगानि नायल'-जाल' सासेल' फिसाजो समायनाखौ राजाया मोजां मोनो। नाथाय दुगामा माब्लाबाबो सानफेराखै जे, फिसाजो समायनाखौ राजानि आखाइयाव गथायना होगोन। अब्लासो गथायना होगोन जेव्ला राजाया दुगाखौ फेजेनो हायो बे चलेन्जाव।

नॉबादि सासे निखावरि नेहाद, उन्दै थाखोनि सेंप्राया आंबादि सासे गोजौ थाखोनि माहाजोन, मालदार, थिकादारनि फिसाजोखौ हाबा खालामनो समाया। बावनासा जानानै अफांनि हाथरिखिखौ थुख्तायनो दासान। आंनि फिसाजो समायनानो सानफायावनो बा रोजा, द रोजा थाखा नांगौ। नॉथ' आनखि दान मोनफायावबो ब्रै रोजा, बा रोजाखौनो आरजिनो हाया होन्ना आं सानो। बिदिब्ला माबोरै फिसिनो हानो आंनि फिसा समायनाखौलाय ? आरो खोनासंबाय...। आंनि फिसाजोखौ बेराय होनो थाखाय डिउक नडब्ला के.टि.एम' बाइक नांगोन, नडब्ला हिर' हन्दा' बादि बुखा बाइकाआव आंनि फिसाजोआ गाखोनो समाया।'... सानसेखालि दुगाया बे बाधाराखौ सेंप्राफोर लाना फेना फारि फारि हां खनसेनो बुलांबाय।

'अके, देट्म एनाफ मिस्टार दुगा। दन्ट से एनिथं मर...।'... राजाया दादिहोना गुगानि फारसे थांजोडै नायहाबना बुंबाय।

'बाह...बाह...। माथो इंराजिबो लॉलायगौ। माब्लानिक्राय सोलोड नों गथ' ?

'आं माब्लानिक्राय सोलौखो बेखौ नोंनो फोरमायनांगीनि गोनांथि दं होन्ना आं साना। बिदिब्ला नोंनो बुं आं समायनाखौ मोन्नो जुनै मा मावनांगौ ?... राजाया गोमजोर गाराडै सोडे।

'खोनासं गथ'....। नों आंनि दोहोन, सम्पतिखौ बारस'नांगोन। आंनिखुइ साबसिन-साबसिन न' लुनो हानांगोन। हायाब्ला आंनि फिसाजोखौ लाना जिउआव गोजोन रायजो जानायनि जेबो सिमां दासुजु। आं थांबाय। बाय सि इउ एगेन सानदे।'... बुंसिन बुंसिन दुगाया ब्लाद ओंखारलाडे।

बै दिननिक्रायनो चलेन्जाव जागायबाय।

दुगा। दुगा मोसाहारि।

जारिफारा गामिनि बयनिखुइबे देरसिन माहाजोन आरो

हालामनि सासे बयजोंबो सिनायजानाय थिकादार। नख'राव दजि

# दिल्लीयाव थांनाय 8 साननि गेजेराव नैथि खेब बांग्रि मावबावदों

गोदान दिल्ली, 25 डिसेम्बर

: बांग्रिनि मावखानायजों आरो खेबसेबाव दिल्लीनि हा सा बाहागोया मावगुंबावबाय। अदेबानि राजथावनि दिल्लीयाव आरोबाव खेबसे दिने फुडव बांग्रि मावबावयो। खौरां एजेन्सि एएनआइनि बायदिव्ला, रिक्टर स्केलाव बे बांग्रिनि गोखैथिया



2.3 डिग्रिमोन। दिल्लीनि नालाइआव बे बांग्रिआ फुंनि 5 रिंंगा 2 मिनिटयाव फैयो। दासिमाव बे बांग्रिजों गावनिबो जिउ ख'हा जानायनि खौरां मोन्नाय जायाखै। बेनि सिगां थांनाय 18 डिसेम्बराव राजथावनि दिल्लीयाव बांग्रि मावबावदोंमोन। बेयाव थांनाय बृहस्पतिवार खालि हराव बांग्रि मावनायखौ मोन्दांमोन आरो बे

बांग्रिनि मिरुया राजथावनि अलबर आवमोन। रिक्टर स्केलाव बेनि गोखैथिखौ 4.2 यै सुनो मोन्नाय जायो आरो बांग्रिनि मिरुआ हा सानि 5 कि:मि: गोथौयावमोन। मख'नो गोनांदि, बे बांग्रिनि मावखानाया ओरैबायदि गोखोंमोन, जायनि मावखानायखौ दिल्ली एनसिआर आव मोन्दांदों।

## भारतआ करनानि टीका थुनो थाखाय गोखैथै थियारि जादों

गोदान दिल्ली, 25 डिसेम्बर:

सरकारआ हादतआव करना भाइरासनि हेंथायै टीका थुनायनि थियारिखौ गोखै खालामदों। भारत सरकारनि बायदिव्ला सुबुंफोरनाव करना भेक्सिन थुनायनि सिगां बेनि ड्राइ रान खालामनाय जागोन। मिरु सरकारआ ड्राइ राननि थाखाय दरब्रै राइज्योफोर पान्जाव, आसाम, आन्ध्र प्रदेश आरो गुजरातखौ सायख'दों। बे राइज्योफोरव फैगौ सप्ताहयाव करना भेक्सिननेशननि ड्राइ रान खालामनाय जागोन। बेवहाय आन्जाद नायनाय महरै करना टीका थुनायखौ जागायनो



थाखाय थि खालामखानाय बायदियै नायबिजिरनाय जागोन।

बिधा हा दं। गारिखौ हिसाब लाजोबोब्ला फिसा गिदिरै जि खान। बारि बागाना ग्रोम-ग्रोम गयै फाथैथै थाइजों, खान्थाल फुरा थामजि बिधा दं। बिखिनि दोहोनखौ लानानैबो दुगाया गावखौ गोग्गाना लासोगारो। जेन हालामाव गावनो दोहोनिनि सान जाबाय। जेन गावखौ आरो बारग'मानो हानाय न'लिया। दुगानि नख'रा दासान्दि दोहोन दौलदआव गोजो गोजो। लोंबाबो जाध्र' हाया। लोंब्लाबो लोख'हाया। रां- रुफा, ना, बेदरनि आंखाल गैया। दाहोना रुवाथिफोरबो साब्रै साबासो लायो। गावहा बिसि सासे आरो नायल'-जाल' फिसाजो सासेल'थार। जायखौ राजाया मोजां मोनो होन्ना आगोलावनो बुंबोखाबाय।

राजाया हाजिरा मुंनि दखरसे फिसा गामियाव असन आरो मायनामोननि जुलिनि नेरसोनथि महरै बे थेलेब लेब नख'राव जोनोम लाना गामियावनो आलो-गोजोन, रंजा-बाजा गेलेना देरबोनाय सासे देरफुनाय दाद' जांगिया सेंप्रा। आखल-आखु बासिहाया। मावनाय दांनयाव जेन्नो रोड। लिरनाय फरायनायाव आखा-फाखा, जैरैबो रोंखा-राखा। गामियाव फरायसालियाव बयजोंबो अनजायो, मानि जायो। सान्नाय-हनाय अख्रंबादि गुवार, लौथो बादि गोथौ। दुखु-खस्ट सहायसुला। सान्नो गोरों बुजिनो गोरों। जोबोद अनसुला गोसोनि सेंप्रा जायनि बिखानि थार माहि अन्नायाव समायनानि गोसो गोथौआ गलिदोंमोन। लाथा खानाय बर'फा साननि बिदुं मोनब्ला गलिनाय बादि। राजाया निखावरि नख'रनिब्लाबो गोसो बायहोआ जेबो खामानिनि बिथिडववनो। मानोना गोसो बायनाया दावगानायाव, थांथि होसोनायाव हेंथा होयो। थांथिखौ मोजेद खालामो। बेखायनो राजाया गाव चलेन्ज लानायखौ जाफुहोना थाखाय गोसोआव गोरा गान्थि खाबाय आरो दुखु-खस्ट जेना-जेथोखौ सौसिलानांनैब्लाबो जिउआव देरहासारखौ लाबोनो थाखाय बियो दुबाय नोगोरनि इउ.ए.इ थामहिनबा इउनाइटेड आरब एमिरेटस आ थानाय अथेल रिफाइनरिआव एकाउन्टेन्ट, लेबेलाय खामानि मावहैबाय। राजाया कमासिंआवनो फायनाय एम.कम खौ कमप्लिट खालामखांदोंमोन। जायनि थाखाय बियो एकाउन्टेन्ट हिसाबै खामानि मावनो खाबु मोहदों।

समा थाडे खोन्दो खोन्दो बोथोरा थाडे हालो दैलो। थिक बिदिनो साना थाडे आरो हरा फैयो। सेकेन्ड, मिनिट, घन्टा, सान, दान आरो बोसोरा समनि बिलिरनायाव बारलांगसिनो राजनि खर' साजों। दिनैसिम जि बोसोर जालांबाय राजाया डुबाइनि इउ.ए.इ आव अथेल रिफाइनरिनि एकाउन्टेन्ट हिसाबै खामानि मावबोनाय। राजाया दानफाथाव दा दान्जिनि रोजा रां मोनो। बेफोर रांखौ जमा दोन्थुमबोगासिनो दं आरो बेफोर रांजोंनो दिनै राजाया गोबां गारि बायफैबाय। जाय गाखौ हिसाब खालामना नायोब्ला

दुगानि गारिनि अन्जिमानि नैगुन बारा जाबाय। राजाया भारतनि गेजेराव ओंखारनाय दामि-दामि गारि बायना दिन्थिबाय। जाय गारिनि बेसेना दुगानि गारिनि बेसेननि नैगुन, थामगु बारा।

हाजिराया टाउनबो नड आरो सिटिबो नड। गंसे फिसा गामिसो। बे गामियाव दैज्जानं बोथोराव लामाफ्रा हाजु जासोगारो। बेखायनो गारि मथर थांलाय-फैलाय असुबिधानि थाखाय गामिखौ नागरनानै बरमायावनो थाफेनो थाखाय थिरांथा लानायनि असिलायैनो राजाया बरमायाव बेसेबा गिदिर बिलिडं लुफैबाय। जाय बिलिनिफ्राय सारा बरमा जायगाखौ गोसोब्ला नायथिहरजोबनो हागौ। बिलिडंनि अवालफोराव मोजां मोजां दामि-दामि पेन्टिं खालाम होदों। बे बिलिडंनि अवालानो बयबो सिनायहानायबादियै 'समायना' बे मुंखौ गिदिर लिरहोदों। मानोना बे बिलिडंआ समायनाखौ मोन्नो जुनै चलेन्ज लानायनि गेजेरजोंनो लुफुजानाय। जाय बिलिडंखौ दुगाया न'निक्राय नुहरो।

इस साला, जाबाय जाबाय। आंखौ बारस, गारबाय। मा खालामबावनो उस भगवान...।...। माब्लाबा माब्लाबा बिदि राव बुंफलांनो गोनां जाबाय दुगाया। मानोना गोदो समाव सोखिनि दोहोन दंमोन बेफोर दिनै खमायलांदोंसो, बारायनायनि उल्थायै।

राजाजों चलेन्ज लानायनि से बोसोरनि उनावनो बिनि द'जि बिधा हाया नैजि बिघाल' जादों। मानोना नैजि बिघायाल' गावनि मियादि पाट्टा जानाय। गुबुन ब्रैजि बिधा हाया थगाय थसि, सिगि-सग' खालामना लानायसोमोन। नाथाय केस जाबसिन जाना हगारना होफिननादों। आरोबाव जाखिनि गारि-मथर दंमोन, बेनिनो गंभ्रैसोल'सै। हिन्जावनि थैहां-थैहां गोब्राव लोमजानायाव बेमार नायनो फान्नो गोनां जादों। दाहोना, रुवाथिफ्राबो गैलिया। जाय जैरै हागौ न'-न' थांजोबबाय। थांखागोन। जाहोना जादों मोन्नांगो रांखो दाहोना रुवाथिफ्रा मोना... होजाया। दिनै दुगानि जिउआव फारफोमथिबो दुखु आरो खहा सफैदों। बिनि दोहोन दौलदा दिनै राजनि दोहोनजों रुजुजालिया। दुगा दुगा बुंग्राया गंग्लायनांबाय। रावनिबो दोहोन, सम्पदा अराय सम थाबाय थाया। मुगैदोंमोन दुगाया राजाखौ गोरिब नेहाद होन्ना। नाथाय दिनै मा नुनो मोनखो ? दिनैसो हमदांमोनदों दुगाया जे....धोनि गोरिबा ओंखाम फालासो। सोरखौबा नेहाद, उन्दै आरो गोरिब होन्ना मुगैनाया गोरोनथि। मासे मोस्रोमखौ नेहाद सान्नो हागौ। नाथाय बे मोस्रोमानोदि, गावनिखुइ बाजि गुन बांसिन गिलिर दिखानो हागौ। आनखि लैथोखौबो बारो जेबो जाया।

राजाया दिनै निखावरि नख'रनि जानानै सासे गिदिर थिकादार, मालदारखौ फेजेनाय, थांथिसिम सौहैनाय आरो समायनाखौ आरयनि थाखाय खाथियाव जिउनि लोगोरि हिसाबै बज'बनो मोननायनि मोनसेल' गुदि जाहोनानो जादों... ' चलेन्ज।

## केरलाआव सना खावनाय केसयाव 2 कौटिनि सम्पतिखौ जब्द



गोदान दिल्ली, 25 डिसेम्बर: केरला सना खावनाय केसयाव इडिआ गासै 1.85 कौटि रनि सम्पतिखौ जब्द खालामदों। बेयाव गिबि मन्थि मावख'नि आगुनि गाहाय सेक्रेटारि एम शिवशंकरनि सम्पतिआबो दंफायो। बे केसखौ नायबिजिरनायनि उनाव शिवशंकरखौ थांनाय 28 अक्टबरव ग्रेप्टार खालामदोंमोन आरो बियो दा जेलाव दड। माहारियारि नायबिजिरा एजेन्सि (एनआइए) नि गेजेरजों थिसन्नाय मोनसे गिबि दायनि सायाव बिथा खालामनानै इडिया मानीलन्डिनि केस थिसन्नाय जादोंमोन। एनआइएआ बे सिखाव खालामनाय केसनि गिबि दायनिगिरि स्वप्ना सुरेश आरो बिनि हेफाजाबगिरि सन्दीप नायरखौ थांनाय 11 जुलाइयाव बंगलुरुनिफ्राय ग्रेप्टार खालामदोंमोन। बे केसाव आरोबाव माखासे दायनिगिरिफोरखौ ग्रेप्टार खालामखांबाय।

मख'नो गोनांदि, कास्टम बिफानआ थांनाय 5 जुलाइयाव केरलानि तिरुअनन्तपुरम हासियायारि उरां गाथोनाव इउएइनिफ्राय फेनाय राजथान्दैयारि मुवा-बेसादफोरनिफ्राय 30 कि:ग्रा: निफ्राय बांसिन सनाखौ जब्द खालामदोंमोन। बेनि उनाव सिखाव खावनायजों लोब्बा गोनां बे केसखौ नायबिजिरनाय जायो। बेरा फारसे बावैसो समाव बे केसनि गाहाय दायनिगिरि स्वप्ना सुरेशआ उफ्राय रांखान्थिनि दायखौ बिजिरा कर्टजों सोमोन्दो लाखिनानै केरला सरकारनाव रैखाथि होनायनि बिथोन होनो दाबि देखांदोंमोन। बेनि गेजेरजों स्वप्नाआ जेलाव गोबां हुमखि मोनगासिनो दड होन्नानै दाबि देखांदों। बे केसाव कंग्रेसनि एम एल ए पिटि थमासआ माहारियारि नायबिजिरा एजेन्सि (एनआइए) नाव नायबिजिरनो दाबि देखाडे आरो नायबिजिरनाय समाव पुलिस डिजिपि ऋधिराज सिंखौ सोलायनांगो बुडे। मानोना केरलानि पुलिसनि गाहाय बिथोनगिरि लकनाथ बेहराया एनआइएनि नायबिजिरनायाव हेंथा होनो थाखाय पुलिसखौ बाहायगासिनो दड होन्नानै सुरेशआ प्रेस कन्फ्रेंसआव बुडे।

## हादतगिरि कबिन्द आरो गाहाय मन्थि मदिआ खृष्टमास फोर्बोनि गाहाम हामलायथि बावहरदों



गोदान दिल्ली, 25 डिसेम्बर: हादतगिरि रामनाथ कबिन्द आरो गाहाय मन्थि नरेन्द्र मदिआ गासिबोनि खृष्टमासनि गाहाम हामलायथि बावहरदों। हादतगिरि कबिन्दआ आसा खालामनायखौ फोरमायदोंदि, बे फोर्बोआ समाजयाव अनलायनायखौ गोर्खों खालामनायाव मदत खालामगोन। गाहाय मन्थि मदिआ बुंदों प्रभु इसा मसीहानि हाबाफारि मावनाय आरो

नेमखास्थिया मुलुगनाडैनि लाख-लाख सुबुंफोरनो गोहो होयो। बेजों लोगोसेनो बियो गासिबोनि थाखाय खुसियै आरो गाहाम देहाखौ थानो थाखाय इसोरनाव आर'ज गाबदों। हादतगिरिआ सुबुंफोरखौ मोजां मोनलायनाय आरो अनलायनायजों लोगोसे इसा मसीहानि बोसोन होनायखौ फालिनो आरो समाजनि मोजां हाबाफारि मावनो थाखाय बाश्रा बुंदों। □

## मनिपुरआव चीनआ उतखारिफोरखौ गोर्खों खालामनो नाजादों

गोदान दिल्ली, 25 डिसेम्बर: भारतीय संगालि एजेन्सिफोर दाबि दैखांदोंदि, चीनआ सा-सान्जा भारत एबा मनिपुरआव उतखारिफोरखौ फिन खनसेबाव गोर्खों खालामनो नाजादों। चीनआ मनिपुरआव थानाय उतखारिफोरनो हाथियारखौ जागायना होनायजों लोगोसे सा 4 उतखारि दैदेनगिरिफोरखौ अक्टबर दानयाव चीनआव ट्रेनि होदों। बे बोसोरनि जुलाइ दानयाव मनिपुरनि चन्देल जिल्लायाव उतखारिफोर गार्लोबनायाव आसाम राइफल्सनि सा 4 सांश्रिफोर मुंखं जादोंमोन आरो सा 4 सांश्रिफोरा जोखोम जादोंमोन। संगालि एजेन्सिनि बादिक्ला मनिपुरआव संग्रां जानै थानाय उतखारि हान्जा आरिपिएफ, पि एल ए एम आरो इउ एन एल एफनो म्यान्मार्नि चीन राइज्योनि



सेनम आरो बुआलकुआव थानाय केम्पयाव गोदान मुगानि हाथियारखौ जागायना होनाय जादों। बेवहाय एके- 47, एके 46, हेन्ड ग्रेन्ड, नाइट बिजन डिबाइस आरो गला बारुद बादि

खैफेद गोनां हाथियारफोर दं। बे गासिबो हाथियारफोरखौ चीनयाव बानायनाय जादों। बे हाथियारफोर मनिपुरआव सौफेदोंना सौफेयाखे बे बाश्राया गासिमबो रोखा जायाखे। जुलाइ दानयाव आसाम राइफल्सनि जवानफोरनि सायाव गार्लोबनायनि उनाव भारतीय संगालि एजेन्सिआ म्यान्मार् आरो बांग्लादेशयाव मनिपुरनि उतखारि हान्जानि थालाय- फैलाय खालामनायखौ नोजोर होदों। □

## हादतगिरि रामनाथ कबिन्द आरो मदिजों लोगोसे गोबां मुंदांखा सुबुंफोरा अटल बिहारी बाजपेयीनो बिबार बाउयो

गोदान दिल्ली, 25 डिसेम्बर: दिनें 25 डिसेम्बरवा हादतनि आगुनि गाहाय मन्थि अटल बिहारी बाजपेयीखौ गोसो खानां हादत नाडै बिथानि जोनोम सान फालिनाय जादों। बे सानाव हादतगिरि रामनाथ कबिन्द, गाहाय मन्थि नरेन्द्र मदिजों लोगोसे गोबां मुंदांखा सुबुंफोरा दिल्लीनि सदेव अटल स्मारक खाम्फायाव थानां आगुनि पि एम बाजपेयीनो बिबार बावहैयो। सुलुखव फोरमायनाय बायदिक्ला भारतनि भारतीय जनता पार्टीआ हादतनि गोबां बाहागोफोरव बेनि हाबाफारिखौ फालिगासिनो दड। बे समाव गाहाय मन्थि नरेन्द्र मदिआ टुट्ट खालामनां लिरोंदि, आगुनि गाहाय मन्थि अटल बिहारीनो बिथानि जोनोम सानाव खुलुमनाय बावहरबाय। बिथाड गावनि दैदेनायाव हादतखौ जौगाखानाय फारसे सौहैहोदों। बेगफारसे नख'र मन्थि अमित शाहआबो अटल बिहारीखौ गोसो खानां टुट्टनि गेजेरजों खुलुमनाय बावहरदों। बिथाड लिरदों सान्नाय-हनाय नेमखास्थिनि सायाव बिथा खालामनाय राजखास्थि एबा




हादतनो बावसोमनाय जिउजों भारतआव जौगाखानाय निखाउरिनि गाहाम हाबाफारि मावनाय आरो मोजां खुंथायनि

मुगाखौ जागायजेनाय भारत रत्न मोनगिरि अटल बिहारी बाजपेयीनि जोनोम सानाव बिखौ खुलुमो। अटलजीनि

गोर्खों हाबाफारि मावनाय आरो हादतखौ सिबिनाया जॉनि थाखाय अरायसम थुलुगाखानायनि मिरु जागोन। □

## काश्मीरआव बिलो आरो दै बाजुमआ लाथा खादों

गोदान दिल्ली, 25 डिसेम्बर: हाजोयारि ओन्सोलाव गोबां बरफ गोलैनायनि उनाव गुसु बोथोर जानाया बांदों। काश्मीरआव बिली आरो दै बाजुमया लाथा खादों। राजस्थाननि हिल स्टेशन माउन्ट आबुयाव 11 थि सानावबो गोबां बरफ गोलैदों। बे जायगानि बिदुडा 1 डिग्री जादों। फैनो गोनां सानफोरव गाहाय ओन्सोलाव गुसु बारहावा बारनायजों बिदुडा दावख्नाय बावनो हागौ। उत्तराखण्डआव 27 डिसेम्बरवा अखा हानो हागौ। हिमाचलनि गासिबो जिल्लाफोरव गोबां गुसु जादों। लाहौल स्पीतिनि काजायाव 3720 मिटर गोजौयाव बिदुडा



माइनास 20 डिग्री जाब्लाबो आइस हफ्री ट्रेनि केम्पआ सोलिगासिनो दं। बेवहाय हादतनि बयनिखुइबो जौसिन

आइस हकि रिंक दं। बोथोर बिफाननि बादिक्ला, लुधियानाआव दिनें आरो फैनो गोनां सानयाव बिदुडा 2 डिग्री


थागोन। रोजा खुवाबो खुगोन। अमृत्सारआव बृहस्पतिवार फुनि 11.00 रिंगासिमाव बिजिविलिटी जिर जादों। □

## पि एम किसान बिथांखिनि गेजेरजों नै कौटि आबादारिफोरनि बैंक एकाउन्टआव 18 रोजा कौटि रांखौ पिएमआ दैथाय हरगोन

गोदान दिल्ली, 25 डिसेम्बर : गाहाय मन्थि नरेन्द्र मदिआ दिनें प्रधान मन्थि किसान सम्मान निधिनि गेजेरजों मोनो गोनां रांखास्थि मुलाम्फानि किस्तीखौ फोसावगोन। गाहाय मन्थि मावख'नि फार्सेनिफ्राय फोसावनाय बिबुंथिनि बाइदिक्ला, दिनें सानजोफुनि 12 रिगायाव थिडिय कन्ट्रेन्सिनि गेजेरजों मोनसे बटन नारनां पिएम मदिआ 2 कौटिनिखुइ बांसिन आबादारिफोरनि मुलाम्फा गोनां बैंक एकाउन्टआव 18 रोजा कौटि

रांखौ ट्रेन्सफार खालामगोन। बे हाबाफारिनि समाव बिथाड दर 6 राइज्योफोरनि आबादारिफोरजों लोगोसे सोमोन्दो लाखिगोन। बे समाव गाहाय मन्थिआ पिएम-किसान आरो सरकारनि गुबुन आबाद अन्सुंथाय यजनाफोरखौ लानाने गावनि सान्नाय-हनायखौ फोरमायगोन।

मख'नो गोनांदि, पिएम-किसान यजनिनि गेजेरजों बोसोर फ्रॉमबो मोनथाम किस्तीयाव 2 रोजा रांनि धोनखौ थोंजोडैआबादारिफोरनि



बैंक एकाउन्टआव दैथाय हरनाय जायो। बे हाबाफारिया औरैबायदि समाव जायो जेक्ला दिल्लीनि सिमनाफोराव आबादारिफोरा गोदान आबाद आयेनफोरखौ होबथानो दाबि दैखानायखौ लानाने धर्ना होबाय थादोंमोन। सरकार दाबि दैखानाय बायदिक्ला बे मोनथाम आयेनआ आबादारिफोरनि जौगाखानायनि थाखायसो। बिसोर बे जेनाखौ सावरायनायनि गेजेरजों फोजोबझांनो लुबैयो। फार्सेथिनि गेजेरवा माखासे खेब सावरायलायनायबो जादों, नाथाय जेबो फिथाइ ओंखाराखे। बे निखायनो सरकारनि फार्सेनिफ्राय थानाय बृहस्पतिवार

गेजेरजों बिजेपिनि आफादगिरि जेपि नडुया पार्टीनि गासै एमपि, एमएलए आरो राजथान्दै फोरखौ 25 डिसेम्बरवा आगुनि गाहाय मन्थि अटल बिहारी बाजपेयीनि जोनोम सान फालिनायाव गाहाय मन्थि नरेन्द्र मदिनि आबादारिफोरजों सोमोन्दो लानाय हाबाफारियाव बाहागो लानो थिनो। बेनि सोमोन्दे पार्टीनि गासै राजथान्दै आरो गासै दैदेनगिरिफोरनो लाइजाम दैथाइ हरनाय जायो। □

## किसान मलआव आबादारिफोरा फ्रियाव मुवा-बेसादखौ मोनगोन : खालसा एड

गोदान दिल्ली, 25 डिसेम्बर : आबाद आयेननि हेँथायै आबादारिफोरनि धर्ना होनाया। दान फुरा जाबाय आरो आबादारिफोरा दिल्लीनि गासिबो सिमनाफोराव थादों। बेनि गेजेरवा दिल्लीनि टीकरी बर्डरयाव थानाय आबादारिफोरनि जेनाखौ नोजोर होनां एनजिअ खालसा एडआ गंसे किसान मलखौ गायसन्दों। खालसा एडनि गेजेरजों गायसन्नाय किसान



मलयाव आबादारिफोरनि सानफामबो बाहायानाने लानायनिफ्राय आइजोफोरनि गोनांथि जानाय गासिबो मुवा-

बेसादखौ मोनो। खालसा एडनि सोद्रोमा आरो स्टर् मेनेजारआ फोरमायदों किसान मलयाव टुथब्रास, टुथपेस्ट,साबुन, थाव,

सेम्पु, खानजं, माफलार, हीटि पेड, हान्थुनि केप, थार्मल सुट, शल आरो कम्बलजों लोगोसे गुबुन गुबुन मुवा-बेसादखौ मोनो हायो। किसान मलयाव गासिबो मुवा-बेसादखौ फ्रियाव जागायना होनाय जायो। आबादारिफोरनो मोनसे मोनसे टकेनखौ रानाने होदों, जायजों बिसोरो किसान मलनिफ्राय जायखि जाया मुवा-बेसादखौ बायनो हागोन। □

दैखानायनि सैथोखौ नायबिजरगोन, जेराव बियो दाराशिकहनि गोथै हाखर मोन्नायनि दाबि दैखादों। हमायुनि गोथै हाखर खाथियाव दारासिखइनि गोथै हाखरखौ सं दानो हानायनि दाबि दैखादों, बेनिफ्राय 55 कि:मि: गोजानयाव दाराशिकह रडबे दं। मुगल खुंगिरि शाहजाहाननि सा 4 फिसाज्जाफोरनि गेजेरव सासे दाराशिकहखौ 1659 याव बिनोनों फंयाय औंसजेबआ रजउलाफदनि थाखाय बुथासदोंमोन। दाराशिकहआ भारतीय उन्नतिषद आरो भारतीय दर्शननि बिद्वान जानायजों लोगोसे निमाहा होग्राबोमोन। बनि मोजां आखुनि थाखायनो बिजेपिनि आरएसएस फसंथानया बिखौ मोजां मोनो। आथिखालनि सरकारयाव दाराशिकहनि गोथै हाखरखौ सदानो हानाया गोबां मख'जाथाव। □

### Notice Invitation Quotation

Sealed Quotations are invited from the reputed suppliers/firms in two bids as technical bid and financial bid in sealed cover for supply of Books and Journals. The quotation will be received from 26th December. 2020 to 06th January. 2021 in office hour. Interested firms are requested to collect the bid documents from office of the Principal, Gossaigaon College, Gossaigaon.

Details may kindly be seen at the website [www.gossaigaoncollege.org](http://www.gossaigaoncollege.org)

Sd/-  
Principal /ic  
Gossaigaon College, Gossaigaon

## दावहा

देहा फाहामसालियाव नुयो-  
गोबां नोरजिया;  
रंजाथिलियाव नुयो-  
गोबा रंजासुलु;  
मन्दिर मसजिदआव नुयो-  
गोबां धोरोमसुला;  
गेल्लेथिलियाव नुयो-  
गोबां गेल्लेसुला;  
दावहाथिलियाव नुयो-  
गोबां दावहारु;  
बिनि जाउनाव नुयो-  
गोबां.....  
बेनि जाहोना... नारानाथानि  
गेदेर-उन्दै सानानै,  
नडब्ला.....  
इनाइ अनागिरिखौ दबथायनायनि;  
गावनि राइजोखौ फेहेरनायनि,  
नडब्लाबो  
मुलुगाव गावखौ सिनायथि होनायनि  
आरो  
मुलुगाव गावनि मुं  
जुगामि गालानायनि ॥  
नाथाय....आनि दावहाया  
जागोन-  
थार-बुजिनाय, हेफाजाब आरो  
खौसेथि लाबोनाय  
गोग्गोम-गेरेमसा 'बर'लेण्ड'  
राइजो दानायनि ॥।

सुबास बर'

गामि- कल'बारी

ला:सो:- बरमा

जिला- बागसा बि टि सि आसाम।

जुलिया नड  
गुबुनजों

माया गोनां बे बहुमाव  
जोनोम मोनफैबाय आं मानधि महरै।  
फुंबिलि बायदि लाइमोन बैसोआव  
ओंखार जेन्नाय सान गोलै बायदि  
अनजिमा गैयै सानबोलावरिजों  
उसिफावो लाइमोन बैसोआ।  
जीउनि बैथा गैयै दिडयाव  
गाखोहां जानायावनो लोगो  
मोनजेनदोमोन नोंखौ आं स'ना।  
नोंखौ लानानै सिमां सुजुदोंमोन  
बेसेबांवा रंगिना सिमां  
नाथाइ.....  
नोंदि आंखौ गरनानै थाखोमायो  
सम-सम आन्दो आन्दो  
जेसेबांखि नों आन्दो आन्दो थादोंमोन,  
आं नोंखौ नुगासिनो दंमोन।  
आंबो नोंनि आन्दोआव थानानै  
सुजुदोंमोन दुखुनि खन्थाय।  
ईशोरा सोरजि हरदों आंनो  
मोनसेल' जीउ  
नडब्ला लोगो मोन्दोंमोन  
गोबां जीउनि लोगो,  
नैबे जोनोमाव जुलिया नड गुबुनजों,  
मानोना नोंखौ लानानै समाय  
लाबाय ईशोरनि खाथिआव।  
जायनि थाखाय राहा गैला नोंखौ बावगारनो  
जेसेबांखि बारहुंखा-सारअन्थाइजों  
हंथा होआ-----  
आवगाय लांगोन जुलिन गोथार फोरबोंआव।  
नोंनि आंनि जुलिआव बारहुंखा-सारअन्थाइजों  
आंनि जीउखौ फोजोब लांथों  
थेवब्लाबो.....  
नोंनि अनगा जुलिया नड गुबुनजों।

लखिकान्त दैमारी

गामि:-हाथिधुरा

ला:सो:-खुंग्रि

जिल्ला:- सिरां, बि.टि.सि. ( आसाम )

## रंजालि गथ' फोरनि सौरा

## हाथखि ( सनेट )

जेबोला सोनाब फैसालिजों साना दोबैलाडो  
अबोला खोमसिआ मुलुगखौ सागलाबफैयो  
जैरेबो समायना बुहुमा सिरि जायो  
अखोराडव हाथखिनि जोंथिआ नुजायो।  
माखासे जोमै हान्जाया खोबथेनायजों  
सांग्रेमानि रिथि-रिथा जोंनायजों  
आंनि मेगना आनज्जेदयै आन्दायदों  
नाथाय हाथखिनि जोंथिआ अराय गोजों।  
हरनि जोंथि, जोंथि हाथखि  
सानफ्रोमबो नुयो खोमसि हरनि अखोराडव  
नुजाफैयो गेल्लेफैयो नों जोंथि महराव  
माब्लाबा खोबथेयो जोमे रायखसि  
थेवबो नोंनि जोंथि जोंनाया अराय जोडो  
नाथाय साना फेबोला हाथखिनि जोंथिआ गोमोरलाडो।

निजोम बर'

पच्चिम पानेरि

पानेरि हाट

उदालगुलि

## थगायसुलि नों

गोसो दंमोन आंहा जोनोमफुरियाव  
नोंखौ लानानै ...  
अन्नाय आरो मोजां मोननाय  
मिजिं थिदोंमोन मुलुग संसाराव जागोन सानैजों ज  
नाथाय फैमाल खालाम लांबाय नों  
आंनि थार गोसोनि हास्थायनायखौ।  
बै बारसे बिबारनि अननाय मोननो  
गोसोनि बेरामखौ बुखार होनो  
सानदोंमोन आं नोंखौ लानानै।  
बे जोनोमाव आं नोंनि  
जानो हास्थायदोंमोन।  
नाथाय दिने नों आंखौ  
थगायलांबाय  
हायेननि आं जिखलाबसे बार मोदायजों  
बुखार लांजानाय लेखा बिलाइ नड अनजिमा ?  
गोजोन सुदेम लाबोगोमोन आं  
अखाफोर गावदां जोंनि संसारखौ  
नाथाय नोडोदि दिने  
आंनि मिजिंखौ नेवसिगारनानै  
गुबुनखौ जुलि लाहैबाय नाथाय नों दिने आंनि  
थगायसुलि अन्थाय बिखा  
खुगायाव राव गैयै गोसोआव सोरमि लांनाय  
बिबार नोंखौसो नुबाय (दिने)  
लायजामनि रेबगा बिलायाव  
नों आंनि गासैबो थगायसुलि महर।

कनक बसुमतारी

गामि मानिकपुर

कासिकला गोजी फरायसालि

जिला- कक्ताझार

ला:सो: कारिगाव थाखो-जि

## जोंनि बर' गामि

मा एसे समाइना मा एसे रमाइना  
आय' जोंनि बर' गामिया।  
फैलाव दुब्लियाव बायदि रोखोमनि दाउ बिरनाय  
साहा दं हाजो हाला सारि-सारि  
बोहैलांनया दैमा-दैमा जिरि जिरि।  
गय-फाथे, थाइजों-खान्थाल सारि-सारि।  
बायदि फिथाइ-सामथाइनि बारि।  
बोथोरनि फिथाइ बोथोराव जानाय  
बयनिबो नख'राव बिदा-फेबाय अनलायनाय  
बयनिबो नख'राव सानजाहा माइ बाखि।  
खोलाहा ब्लां ब्लां समाइना आबाद दुब्लि  
सा-सान्जा खनायाव बाथौ बेराइसालि  
समायसारदों फुखियाव हांसो ना थफिनायजों।  
बयनिबो नख'राव आगर आखाइनि इसानसालि  
आघोन दानाव रुमबां-रुमबां माइसालि  
आय' जोंनि बर' गामि।  
दैज्जां बोथोरयाव हालेवनाय है-हा, है हा  
गायनाय फुनायनि सावरि-बादालि  
बैसागु बोथोराव रिउ-रिउ सिफुं सुनाय  
फ्रिउ-गोम-था-गोम खाम दामनाय।  
थिंथ'-थिंथ' जथा दामनायजों रिसरनाय  
ग'-ग' ग'ग'लिंग' मिलीदों सेरजा हुनाय  
बयनिबो गोसो गोरबोखौ सुरगुलाहोनाय  
आय' बेनो जोंनि बर' गामि।

बिरेन खेरखातलि

हन्थाफारा, जिगाबिल

उदालगुरि, बिटिआर

## आंनि दुखु

सोर मिथिनो आंनि दुखुखौ।  
सोर बुजिनो आंनि दाहाखौ!  
दुखुआव बिखा खामदों आंहा!  
दाहायाव बिखा गावदों आंहा!!  
नुवाखे रावबो आंनि दुखु-दाहाखौ!  
नुवाखे रावबो आंनि मेगनि मोदेखौ।  
मिथिया रावबो आंनि दुखु-दाहाखौ  
मिथिया रावबो आंनि मेगनि  
मोदे बोहैनायखौ!! सोरबा सुबुड  
नुदोंब्लाबो आंनि दुखु-दाहाखौ  
बेसेबांवा मिनिगलाबदों। सोरबा  
सुबुड मिथिदोंब्लाबो आंनि दुखु-दाहायाव  
हालाइ-हाफाइ जानानायखौ मिथिये  
बायदि थादों। नुदों मिथिदों गोबांथार  
सुबुड आंनि दुखु-खन्त सैनानायखौ  
नाथाय रावबो आंखौ आय' होनाखे!!!  
गोबांथार सुबुड आंनि दुखुखौ मुगैदों!  
गोबांथार सुबुड आंनि दाहखौ मुजुदों!  
हे गसाइ....नोंनि सोरजिनाय बे संसाराव  
गैया नामा सुबुनाव गोजोनि थाखे मोजोमसे अन्नाइ।

थरायना सोमजिला बसुमतारी

गामि- सुरेन्द्रपुर

ला:सो:-कासिया बारि

जिला-क'क्राझार बि टि सि आसाम।

## गोरोन्थिया सोरनि?

नोंनि एसेबां हायना महराव  
आं गोजाव नांदों र'जे,  
बोदोर बावलि गोसोआ मानो बुजिया  
नोंखौल' लोगो हमनो हास्थायबायो  
नों मा सानो बुजिनो हालिया  
नोंल'सै आंनि गोसो गोर्बोंआव।  
अराय सम अराय दिन  
गोसो खांबाय थासै आं  
अन्नायनि गुथालजों बुसोम जानायबादि  
मोजां मोन्नायनि दौलेंजों  
खाखब जानाय बादिसो मोनबाय आं।  
समनि फाखनजों बोथोरा थाडो  
गोरोब फलेना हालो दैलो मिनि खुसि,  
थौले गोसोनि सोलायस्तु मिजिंकआबो  
सोरनिबा फाव आन्दोजों बुखार जानानै  
बबेबा हायेनाव दंसै नों हारसिं  
गैया नोंहा साखाथियाव रावबो।  
जायखार लांबाय रोमै रोमै.....  
रुगुं गैयै फैलाव बुहुम बिखायाव,  
नाथाय थालांबाय दै बानानि फेफोनाया  
दुखुनि थैसोम जाना नोंनि गोर्बोंआव।

बिपुल मुसाहारी

गामि-कुमागुरी, ला:सो:-सेरफांगुरी

जिला-ककराझार बि टि ए डि आसाम

## खृष्टमासखौ खृष्टान धोरोमनि सुबुंफोरा फालियो



गोदान दिल्ली, 25 डिसेम्बर: दिने खृष्टमासनि सान। बे सानयाव जिमुआ जोनोम जादोंमोन। जिमुनि ओंथिया जादों मोजां मोन्नाय। बोसोरफ्रोमबो 25 डिसेम्बरनि सानखौ मुलुगनाडे खृष्टमास फोर्बोंनि महरै गाजा-गोमजायै फालिनाय जायो। खृष्टान धोरोमनि सुबुंफोरा बे सानखौ बरदिन महरै लोगोसैयै फालियो। बे सानाव न'फोरखौ खृष्टमास ट्री, रेथ आरो लाइटजों साजायनाय जायो। गावनि खाथिनि सोमोन्दो



गोनां सुबुंफोरनो अन्थोब होयो आरो लोगोसैयैनो हरनि जाग्रा आदारखौ जायो। बे फोर्बोंखौ उन्दै-उन्दै गथ'फोरा नेनानै थायो। मानोना बे सानयाव सेन्टा क्लसआ बिसोरनो अन्थोब होयो। खृष्टान धोरोमनि बादिब्ला, बे सानयाव इसा मसीहाया जोनोम जादोंमोन। नाथाय बाइबेलयाव बे बाश्त्राखौ मख'नाया गैया। मख'नो गोनांदि, इसा मसीहानि जोनोम अक्टनि सोमोन्दै इसा मसीहानि जोनोम अक्टनि सोमोन्दै फोरमायनाय गोयैनि जाहोनाव जागायजेन्नाया खृष्टान हारिनि सुबुंफोरनि गेजेराव दान्थे-बिदान्थे जादोंमोन। 360 माइथायाव गंसे सार्चयाव इसा मसीहानि जोनोम सानखौ गिबि खेब 25 डिसेम्बराव फालिनाय



जादोंमोन। नाथाय थेवब्लाबो बिनि जोनोम सानखौ लानानै दान्थे-बिदान्थे जानाया सोलिबाय थादों। गोबाव सम सावरयलायनाय आरो दान्थे-बिदान्थे खालामखानायनि उनाव 25 डिसेम्बरखौनो बिनि जोनोम सान महरै फालिनो थांखि लायो। 4 थि जौथायाव बे सानखौ मख'नाय जादों। आमेरिकायाव 1836 आव बे सानखौ फालिनो गनार्यथि मोनो। हाजार-हाजार बोसोर सिगां खृष्टमास ट्रीखौ इउरपआव



साजायजेन्नाय जादों। बे समाव फेयार मुनि बिफांखौ साजायनाय जायोमोन आरो उइन्टर कार्निबेल फालिनाय जायोमोन। लासै-लासै बयबो सुबुंफोरा गुसु बोथोराव खृष्टमास ट्रीखौ गाव-गावनि न'याव साजायो। सेन्टा क्लसनि नंगुबै मुडा सेन्ट निकलास। उन्दै समावनो बियो बिमा-बिफा थैजादोंमोन। बियो गिदिर देरब्ला पादरी जायो बियो सुबुंफोरखौ मदत खालामनो मोजां मोनोमोन। 25 डिसेम्बराव सेन्ट निकलासआ गथ'फोरनि थाखाय अन्थोब लानानै फेयो। बेबायदियैनो सेन्ट निकलासआ गथ'फोरनि थाखाय सेन्टा क्लस जायो। बियो निखावरि गथ'फोरनो थाखोमानानै अन्थोब होयोमोन।

## उसु-खुथु

गोसोखौ होनो मोनानै, अन्नायखौ मोननानै जाबावखो मानो गोसोआ सु-खुथु बावगोनसो नामा नों आंखौ अनजालि माब्लाबा नंखाय गोरोन्थिनि थाखाय ? फागुननि जावलिया बारजों बुसोम जानाय बादि जाबावखो मानो गोसोआ थेर बेथेर ? अनसुलि गोसोजों अन्नाय नोंनि दावमैनानि गोदे रावजों रायदावनाय नोंनि मनालिसानि मिनिखैरो मिनिनाय नोंनि बबे बिखाजों वावगारनो आं अनजालि। अरननि अर नांबाय मोदोमाव आंनि नेवसिगोन नामा नों आंखौ माब्लाबा सोरबा जोहोलावनि गोदे अन्नाय मोनोब्ला आवसाव जाबाय गोसोआ बायदि सानानै। होयोब्ला नोंनि अन्नाय सोरनोबा बावगोन आंबो जीउ नोंनि थाखाय गोसो मिजिंआ अराय नोंजोंनो थागोन।

जयन्त बसुमतारी

गामि- मैनागुरी, ला:सो:- गडिया

जिला- कक्राझार बि टि सि आसाम।

## फरायसाफोरा गावनि गियानखौ हादरनि रांखांन्थि.....

सोलिफु 2020 मायथाइनि माखासे डिग्रि मोननाय फरायसुला फरायसुलिफोरनो डिग्रिनि बिमुंखौ गथयनानै होयो। बे जथुम्यायाव गाहाय आलासि महरै बाहागो लानानै मिरुनि मन्थि नितिन गादकारिआ फरायसाफोरखौ थांखिनानै फरायसाफोरा गियानखौ गोहो हिसाबै बाहायनानै गावनि गियानखौ हादरनि सम्पद दाफुनायाव बाहायनांगो होनानै फोसावो। मिरुनि मन्थिआ गावनि बिबुंधियाव बुडोदि, गाहाय मन्थि नरेन्द्र मदिआ भारतनि रांखांन्थिखौ 5 ट्रिलियन आमेरिका डलारनि रांखांन्थिसिम लानायनि थांखि लादों। बे थांखियाव जर 'खायै दावगाफुनाय फरायसुला-फरायसुलिफोरा गाव-गावनि गियानखौ हादरनि रांखांन्थि जौगाहोनायाव मोनसे गोहो हिसाबै बाहायनांगो होनानै खावलायो। मिरुनि मन्थिआ लो गोसेयै बुंबावोदि, आसामनि गोबांआवनो सम्पद आरो जाथावना दड। गादकारिआ बुंबावोदि, हादरनि गासै नख 'रारि दिहुन्थायाव 30 जौखोन्दो एम एस एम आइआ थोजासे बिफाव लानानै दड। बे खोन्दीखौ आरोबाव बांसिन जौगाहोनायनि थाखाय दावगाफुनाय फरायसाफोरा जौगाखां फारसे आवगायनानै गावखौनो थिसन्थाय खालामनायनि अनगायैबो मावबिबानाव थिसन्थाय सोरजिनानयनि फारसे गोसो होनांगोन। फरायसाफोरा हादरनि रांखांन्थिनि गुबुन गुबुन बिथिडव इयुनखौ जौगाखां होनो हानायनि गोहो आरो मिजिंथि दडहोनानै बुंबावो। फरायसाफोरा रांखांन्थिनि अनगायैबो गोहो आरो गियानजों सामाजारि बिथिडवबो आवगायलानांगोन होनानै फोसावो। मिरुनि मन्थिआ आथिखालनि गाहाय मन्थि नरेन्द्र मदिनि दुलाराय हादरनि गेजेराव मोनफ्रोमबो थाखोनि सुबुंफोरखौ समान नोजेरजों सिगांफारसे लानायनि थांखि लानानै खामानि मावगासिनो दड। मोनफ्रोमबो थाखोनि सुबुंफोरखौ समान नोजेरजों लानानै आत्म निर्भर भारत खालामनायजों लो गोसे दरसे गोहोहोरा आरो जौगाखां आसाम खालामनायनि थाखाय दिनेनि डिग्रि आरो बिमुं आजावनाय फरायसुला-फरायसुलिफोरा बिबान लानांगोन। बे हाबाफारियाव गागि आलासि महरै बाहागो लानानै लाखिनाय बिबुंधियाव गिबि मन्थि सनवालआ बुडोदि, एक्ट इस्ट पलिसि मावफुनायनि एजेन्डाजों आसाम आरो सा सान्जा राइज्योफोराव थोजासे जानो हाथावना दड। बेखौ नोजेर होनानै राइज्योजों लो गोसे हादरखौ गोखों खालामनायनि थाखाय दिने मेडेल एबा डिग्रिनि बिमुं आजावनाय फरायसुला-फरायसुलिफोरा साफा-साफा राइज्यो जौगाखांहोनायनि फारसे बिबान लानांगोन। आसियान आरो बि बि एन हादरफोरनि गासै 800 निजुत सरासनम्रा सुबुंफोरनि गेजेराव गावनि साबसिन जाफुंसारनायखौ दिन्थिनानै सुबुं सम्पद हिसाबै आरोबाव साबसिन सोलौंथाय लानो गिबि मन्थिआ फरायसाफोरखौ फोसावो। भारतनि लाइमोन गोहोआ हादोरनि जौगानाय होनानै रायखाना गाहाय मन्थि नरेन्द्र मदिआ लाइमोन गोहोजों हादोरनि जौगाखांहोनाय थांखिखौ गायसननो हादों होनानै गिबि मन्थिआ बुडो। बेनि थाखाय गिबि मन्थिआ लाइमोनफोरखौ जौगाखां होनायजों साफ्रोमबो समजों खारफानानै थि समावनो बिबान लानो खावलायो। बिबुंधिनि जागायजेननायाव गिबि मन्थिआ गोथार बरदिनि लोब्बायै राइज्योनि साफ्रोमबो सुबुंफोरनिसिम गावनि गोसो गोबांनि गोजोन हामब्लायथिनायखौ जासिहरनायनि अगायैबो बारग' गाहाय मन्थि भारत रत्न अटन बिहारी बाजपेयीनि जोनोम साननि लोब्बायै दिने दुलाराय हादरनाडैनो फारिनाय मोजां खुंथाय साननि गोनां बाश्राफोरखौबो रायखडो। सिलचरनि आसाम मुलुगसोलौंसालिआ आसाम गोरोबथानि गुबुन मोनसे जाफुंसार फिथाय होनानै रायखाना आसाम सोमासासरायाव जिफ बाउसोमनाय मुखुंफोरनिसिमबो गिबि मन्थिआ मान बाउयो। 1994 मायथाइयाव फसनाय बे मुलुगसोलौंसालिया गुबुन गुबुन बिथिडव सम्पद सोरजिनानयनि खामानियाव गोनांथार बिहोमा होनो हादों होनानैबो बुंनयजों लो गोसे फैबाय थानाय समफोराव बे मुलुगसोलौंसालिखौ हादरनि गेजेरावनो मोनसे गोजौ सोलौंथाय फसंथान हिसाबै गायसनायनि थांखिजों सोलौंथाय राहायाव गोदान जाफुंसारनायखौ सोरजिनो हागोन होनानै मिजिंथियो। दिनेनि बे हाबाफारियाव मिरुनि राइज्योयारि मन्थि रामेश्वर तेलि, राइज्यो सरकारनि मन्थि परिमल सुकलबैद, सिलचर लक 'सभा बियाबनि एम पि डू- राजदिप राय, आसाम मुलुगसोलौंसालिनि भि चि प्रफेसर दिलिप चन्द्र नाथ आरो गोबां सोलौंथायगिरिफोराबो बाहागो लादोंमोन।

## 1 जानुवारीनिफ्राय आसामाव गासैबो .....

मन्थि हिमन्त बिश्व शर्माआ बुडोदि गुदि थाखोनिफ्राय लानानै मुलुगसोलौंसालि थाखोसिमनि गासै सोलौंथाय फसंथानफोरानो 1 जानुवारीनिफ्राय गेंफिनसिगोन। मख 'नो गोनांदि, आसाम राइज्योआव कभिड 19नि गोसारनाया गोहोम गोल्लेनायनि जाहोनाव आरो बे खैफोदिनिफ्राय फरायसाजों लो गोसे फोरोंगिरिफोरनि जिउ रैखाथिखौ नोजेर होनानै थानाय माखासे दाननिफ्रायनो राइज्योनि सोलौंथाय फसंथानफोरखौ बन्ध लाखिनाय जादोंमोन। अदेबानि फरायसाफोरनि थाखो फोरोंथाय लानाया ख 'हा जालांनयखौ नोजेर होनानै आसाम सरकारनि बिथोन होनायाव थानाय माखासे दाननिफ्राय गोजौ थाखोनि फोरोंथाय होनाया राइज्योनि फरायसालिफोराव सोलिगासिनो दड। नाथाय कभिडनि गोसारनाया दासिम सोलिबाय थानायखौ नोजेर होनानै गाहाय थाखोनि फोरोंथाय होनायखौ बन्ध खालामनाय जादोंमोन। नाथाय आसाम सरकारआ फँगो से जानुवारीनिफ्राय गुदि थाखोनिफ्राय लानानै गासै थाखोनि फोरोंथाय होनायखौ जागायजेनफिननो थांखि लानाय बाश्राखौ मन्थि हिमन्त बिश्व शर्माआ मिथिहोयो। खौरगिरि मेलनि गेजेरजों सोलौंथाय बिफाननि मन्थिआ मिथिहोबावनाय बादिब्ला 1 जानुवारीनिफ्राय खुलिफिननो लानाय थाखो फोरोंथाय होनाय समाव दावराव दावसि खालामनायखौ नागरनांगो आरो समाजारि जानथाय थानाय हुदाखौ गोनांथारै फालिनांगोन होनना मिथिहोयो। मख 'नो गोनांदि हादरनि गुबुन गुबुन राइज्योफोरजों लो गोसे आसामावबो थानाय 25 मार्सनिफ्रायनो गासै फरायसालि आरो फरायसालिमाफोरा बन्ध जानानै दडमोन। मानोना कभिडखौ होस्रानो आरो बे खैफोदिनिफ्राय फरायसाफोरखौ रैखाथि होनो थाखाय हादरनाडैनो लकडाउन फोसावनाय जादोंमोन। नाथाय फँगो गोदान बोसोरनि गोदान मिजिंजों गुदि थाखोनि फोरोंथाय होनाय एबा फरायसालिफोरखौ खैफिननो हाबाफारि लानाया फरायसाफोरजों लो गोसे दिथागिरिफोरनि थाखाय गोजोनथाव खौरां जानानै फेदों।

## बुर्लुबुथुरनि सायाव धुबुरी-फुलबारि .....

हाबाफारिखौ रायखानानै बेयो आबादारिफोरनि थाखाय जोबोर बाख्नायथाव आरो गोजोनथाव होनानै बुडो। दिनेनि बे हाबाफारियावनो मिरुनि मन्थि गादकारिआ गिबि मन्थिजों लो गोसे राइज्योनि गासै 439 किलमिटर गोलाव लामानि थाखाय 2,366 कौटि रां बाहायनायनि थांखियाव गासै मोन 27 बिथांखिफोरनि अन्थाय खाम्फा गायसननानै होयो। बे हाबाफारिनि लोब्बायै खुंनय गेदेर सुबुं मेलआव बिबुंधि लाखिनानै मन्थि गादकारिआ आगुनि मन्थि बाजपेयीआ हादरनि मोनफ्रोमबो थाखोनि सुबुंफोरनि थाखाय जौगाखां खामानि मावगोन होनानै रायखाना बेबादि गोहो गोरा दैदेनगिरिआ हादोरखौ जौगाखां लामायाव लानानै थानो हादों होनानै बुंधियो। मिरुनि मन्थिआ लो गोसेयै बालिसेरा-हारांगजा माहारियारि लामाखौ फँगो 2022 मायथाइनि मार्स दाननि गेजेरावनो आबुडे मावफुंसारनो हागोन होनानै बाश्रा होयो। बेनि अनगायैबो मिरु मन्थिआ बुर्लुबुथुर दैमानि सायाव 5 रोजा कौटि रां बाहायनानै लुफुंनो लानाय धुबुरी-फुलबारि दालांनि थाखायबो हा फुजा होनाय जागोन। राइज्योनि बुर्लुबुथार, बराकळों लो गोसे गुबुन गुबुन दैमाफोरनि दै बोहैनाय राहाया साबसिन जागोन होनानैबो मिरुनि मन्थिआ गावनि बिबुंधियाव बुडो। गिबि मन्थि सर्बानन्द सनवालआबो राइज्यो दुलाराय जौगाखांहोनायनि मिरु सरकारनि राहा लानायखौ गोजोननाय फोरमायनानै बाख्नायो।

## कंग्रेस दोलोआ एम एल ए अजन्ता नेउगखौ .....

बिबान लाबोनाय अजन्ता नेउगआ बि जे पि दोलोआव हाबनो गिबि मन्थि सर्बानन्द सनवाल आरो रांखांन्थि मन्थि हिमन्त बिश्व शर्माजों सावरायनायनि उनावनो बि जे पिआव हाबनायनि लामाया रोखा जादोंमोन। अदेबानि गाबोन मिरुनि नख 'र मन्थि आरो बि जे पि दोलोनि गोखों दैदेनगिरि अमित शाहआ आसामाव सफैनायनि समाव बि जे पि दोलोआव अजन्ता नेउगआ हाबनो हागौ होनानै सुलुडव फोरमायदों। अजन्ता नेउगआ बि जे पि दोलोआव थंगोननि बाश्राखौ लानानै कंग्रेस दोलोनि गेजेराव गोबां सावरायनाय जायो आरो माखासे फिनजाथायाबो अजन्ता नेउगनिमिम सफैदोंमोन। नाथाय फँगो बिसायख 'थियाव बि जे पिनि तिकेट लानानै नेउगआ बाहागो लानो थियारि जादों आरो बिनि हान्जा नागरनायजों फिन कंग्रेस दोलोआ लोरबां जाबावगोनखौ नुहुरदों। फारसेथि हिमन्त बिश्व शर्माआ मिथिहोनाय बादिब्ला गाबोननि सनाव अजन्ता नेउगआ बि जे पिआव हाबनाय नड। नाथाय फँगो समाव नेउगआ दोलोआव हाबगोन होनानै शर्माआ मिथिहोयो। मख 'नो गोनांदि दासान्दि गुबुन गुबुन राजखांन्थि दोलोआव दैदेनगिरिफोरनि गुबुन गुबुन मोनसे दोलोआव हाबहैनाय आरो हान्जा नागरनायखौ फँगो बिसायख 'थिनि सिगांनो नुनो मोनदों।

## आसामनि नैथि मेडिकेल .....

मिरुनि नखर मन्थि अमित शाहआ अरॉनि हेफाजाबजों गुवाहाटीआव सफैमोन। नख 'र मन्थि अमित शाहनि आसामाव दावबायफैमोनखौ लानानै दिने जनता भवनआव राइज्यो सरकारनि रांखांन्थि बिफाननि मन्थि डू हिमन्त बिश्व शर्माआ मोनसे गोनां खौरांगिरि मेल खुडो। खौरांगिरि मेलनि गेजेरजों नख 'र मन्थिनि आसामाव दावबायफैमोननि सोमोन्दोआव मन्थि सर्माआ मिथिहोनाय बादिब्ला दिने हरनि 11 रिगासो समनि गेजेराव बरझारनि उरां गाथोनाव सफैमोन। उरां गाथोनाव नख 'र मन्थिखौ बरायगोन आरो माहारियारि राजा लामायाव नख 'र मन्थिखौ बरायनायनि लोब्बायै 10 रोजा आलारि बाथि फोजोंगोन। बेनि उनाव गाबोन साननि से रिगायाव आमिनगावआव मोनसे जरखा मेल खुंनय जागोन। बे मेलआव गुबुन गुबुन हारि हारिसानि खमैबो 3000 सुबुंफोरा नख 'र मन्थि अमित शाहखौ बरायगोन। बे सानखालि हरनि समखौ नख 'र मन्थिआ आमिनगावआव थानाय लकनिमोननि बिल्डिंआव बारहोहरगोन। बिनि उनाव गुवाहाटीआव आसामनि नैथि मेडिकेल कलेजनि अन्थाय खाम्फाखौ गायसनाय हाबाफारियाव नख 'र मन्थिआ बाहागो लानानै गायसननानै होगोन। बेनि उनसाखालि गेदेर बिथांखिनि अन्थाय खाम्फा गायसनबावगोन अमित शाहआ। खौरांगिरि मेलनि गेजेरजों मन्थि सर्माआ मिथिहोनाय बादिब्ला नखर मन्थिआ अन्थाय खाम्फा गायसनो गोनां मेडिकेल कलेजआ भारतनि गेजेरावनो साबसिन फाहामसालि जागोन। लो गोसे एम एम सि एड्स देहा फाहामसालिखौ सुपार स्पेसियेलिटि देहा फाहामसारि हिसाबै खालामनाय जागोन। बेनि उनाव नगावनिफ्राय बतद्रबा थानसिम मोनब्रै लेन गोनां लामा बानायनायनि हाबाफारिखौ बेखेवनाय जागोन। बे लामाखौ बानायनायनि थाखाय आसाम मालानि 220 कौटि रां गनायथिनानै होगोन। लो गोसे बतद्रबा थानखौ लुफुंनो थाखाय 186 कौटि रां गनायथिगोन आरो बे थानआ सनानि मन्दिर बादियै साजायफबजागोन। बेनि अनगायैबो राइज्योआव गं 11 गोदान आयेन फरायसालिमाफोरखौ फसंनय जागोन। आसाम दर्शन बिथांखिनि सिडव मन्दिर-मसजिदफोरनो रांखांन्थि हेफाजाब होगोन। राइज्योनि गासै 8000 नामघरफोरनो 2.50 लाख रां होनाय जागोन। लो गोसे नामघरसिम थानाय-फैनाय लामानि थाखाय पि डब्लिउ डि बिफानआ मावफुंनो बिबान लागोन। मन्थि सर्माआ खौरांगिरि मेलआव मिथिहोबावदोंदि, नख 'र मन्थि अमित शाहआ माखासे साननि हाबाफारिजों आजाम दावबायनाय हाबाफारि बादियै 27 डिसेम्बरआव कामाख्या मन्दिरआव फुजा होनानै मनिपुरसिम दावबायलांगोन। मनिपुरआव सहैनानै नख 'र मन्थिआ गुबुन गुबुन दोलो आरो आफादफोरजों सावरायलायगोन। लो गोसेयैनो बि टि आर खुंथायनि गोदाने बिसायख 'जानाय गाहाय खुंगिरि प्रमद बर 'नि दैदेननाय थान्दै हान्जाया नख 'र मन्थि अमित शाहखौ लो गो हम्मगोन। गाहाय खुंगिरि प्रमद बर 'आ समायथिखा लाखानायनि उनाव बि टि आर खुंथायखौ मोजाडै सामलायनाय आरो ओनसोल जौगाखां होनाय थांखिजों खामानि मावनो थियारि जानायनि गेजेरावनो नख 'र मन्थिजों माखासे आयदाफोरनि सायाव सावरायलायगोनआ जोबोर गोनांथार जादों। गुबुन फारसेथि कंग्रेसनिफ्राय ओंखारनाय बारग ' मन्थि आरो एम एल ए अजन्ता नेउगआ नख 'र मन्थिनि आसाम दावबायफैनाय समावनो बि जे पि दोलोआव हाबगोन होनानै मिथिहोयो। बेबादिनो मिरुनि नख 'र मन्थि अमित शाहआ माखासे साननि हाबाफारिजों आसाम दावबायफैनायाव गुबुन गुबुन दोलो आरो आफादफोरजों सावरायलायगोन होनानै रांखांन्थि हिमन्त बिश्व शर्माआ खौरांगिरि मेलआव मिथिहोयो।

## आथिखालनि सोलौंथाय समाजारि आयदानि सायाव सेबखानाय लाइसिखौ बेखेवदों

**भबानिपुर, 25 डिसेम्बर:** जौगाखां हारिया लाइसिखौ बजबनानै लायो। जौनि आसामावबो जौगाखां जानोब्ला लाइसिखौ अरायसम फरायनांगोन आरो बजबनानै लानांगोन। आसाम साहित्य सभा दाफुनायनि स्वार्थआ बेनोदि असमीया रावखौ फेहेरनायजों लो गोसे लाइसि दिहुन्नाय आरो बिजाबनि थाखाय खामानि मावनायनि हाबाफारि लानाय। बे गोनां बाश्राखौ बुंधिदों असमीया प्रतिदिन खौरांबिलाइनि गाहाय लो गो सुजुगिरि असुत कुमार पाटवारीआ।



लिरगिरि आरो फोरोंगिरि मफिजउदिद न आहमेडनि गेजेरजों सेबखानाय आथिखालनि सोलौंथाय आरो समाजारि आयदानि सायाव आबु महर होनाय गांसे लाइसिखौ बेखेवनानै होनायनि हाबाफारिखौ सरुपेटा साहित्य सभानि लांगोनायाव खुंनय जायो। बे मेलआवनो गागि खौरांगिरिआ लाइसिखौ दिनेनि गोथार जिसुनि जोनोम साननि लोब्बायै बेखेवनां मोननायखौ गोजोननाय फोरमायो। गावनि बिबुंधियाव बिथाड बुडेदि आथिखालनि बादालायनाय मुगायाव फरायसाफोरखौ सोलौंथाय होनायजों लो गोसे सावगारि आरो सोलौंथाय खान्थिनि फारसेबो मिथिहोनाया गोनांथार जानानै फैबाय। फरायसाफोरखौ गोमगो सोलौंथाय होनांगौब्ला सिगांमो फोरोंगिरिफोरा आरो खुनिफ्राय लानानै सोलौंथायनि फारसे आबु गियान थानांगोन आरो बेनि गेजेरजोंफो फरायसाफोरनि गुमगोन सोलौंथाय लानाया जाफुंसारगोन। दिनेनि बे लाइसि बेखेवनाय हाबाफारियाव सरुपेटा साहित्य सभानि आफादगिरि प्रबत कुमार सर्माजों लो गोसे अरबिन्द बर्मन, जगेन बर्मन आरो गोबां थुनलाइगिरिफोराबो बाहागो लानानै बिबुंधि लाखिदोंमोन।

## माजबातआव पाचनै सेरफां बियाबनि गोदानै .....

5 रोजानिबो बांसिन गुबुन गुबुन दोलो आफादनि राइजो-राजाफोरा आर 'नाय, फुलाम गामसा, बिबाननि थफ्ला होनानै मावफुं सोद्रोमाखौ बरायो। राइजो-राजाफोरनि गोसो गोरबोजों बरायजानो मोननायखौ मावफुं सोद्रोमा दिपक मोरआ साबायखर होनानै फैबाय थानाय सानफोराव बियाबखौ जौगाखां होनायनि स्वार्थआव बिसायख 'थियाव होनाय बाश्राफोरखौ मावफुंनो नाजागोन आरो राइजो-राजाफोरनि आबु हेफाजाब मोनगोनखौ मिजिंथियो। फारसेथि राइजो-राजाफोरजों रंजा-बाजायै बरायजानायनि उनाव मावफुं सोद्रोमा मोरआ खौरांगिरिनि सिगाडव बुडोदि, 39 नं पासनै सेरफां बियाबआव सोलौंथाय, देहा, गोमगो दै जगायनायजों लो गोसे गोबां जेनाफोरा गोसलैसोनानै दड। राइजो-राजाफोरा जेरैबादि साननाय हनाय आरो मिजिंजों आंखो बिबान होबाय बे बिबानखौ फालिनानै राइजो-राजानि मिजिंथिखौ मावफुंनयनि फारसे गोखै नाजागोन होनानै बुंधियो। बरायनाय मेलआव बियाबनि दोलो आफादनि दैदेनगिरि आरो गोबां बि जे पि दोलोनि हेफाजाबगिरिफोराबो बाहागो लादोंमोन।

## आसामाव गिबिखेब भारत-बांलादेश.....

ओनसोलजों आयेन बेरेखायै हाबफैनाय सुबुं अनजिमनि मोनसे खेंफोरथिखौ मिथिहोनायनि अनगायैबो बांलादेशनि सिमा रैखाथि हान्जाया जेबो सिमाजों हाबनाया खमायाखै होनानै मिथिहोयो। बेजों लो गोसे बे गोनां जथुमनायाव दरनै हादरनि रैखाथि हान्जाया फेग्रा बेसाद मुलनि फालींगि खालामनाय, मोसौ फालांगि खालामनाय बायदि आयदानि सायावबो सावरायलायनाय जायो। जथुमनाय मेलआव बाहागो लायो भारतनि जानानै बर्डर सिक्किउरिटि फर्स सुंद 'थै बि एस एफ आरो बांलादेशनि बांलादेश बर्डर गार्डस सुंदयै बि जि बिनि गोजौ थाखोनि बिबानगिरिफोरा। बि एस एफनि गाहाय सामलायगिरि राकेश आस्तानाआ बुडोदि, सोलिफु बोसोराव थानाय 15 डिसेम्बर अक्ट 'सिमनि गेजेराव भारतआव आयेन बेरेखायै फैनाय भारत-बांलादेश सिमा रैखाथिनि नोजोराव सुबुंफोरनि अनजिमया 3,204 सिम जाहैदों। नाथाय बेनि अनगायैबो बांलादेशनि गाहाय सामलायगिरि मेजर जेनेरेल सफिनुर इस्लामआ बे बिथिडव सासेबो आयेन बेरेखायै हाबफैनाया सोलिफु बोसोराव भारतआव जायाखै होनानै बुंधियो। मख 'नो गोनांदि थानाय 22 डिसेम्बरनिफ्राय गुवाहाटीआव 51 थि भारतनि सिमा रैखाथि हान्जा आरो बांलादेशनि सिमा रैखाथि हान्जानि गेजेराव जुथायै मोनसे सावराय मेल खुंनया सोलिबोदोंमोन। अदेबानि बे सावराय मेलआ गाबोन 26 डिसेम्बरसिम सोलिबाय थागोन।

## ए पि एस सि आनजादनि फिथायाव सा 7.....

उधिसार जानो हानाय सा 7 बर ' बिजाथिफोरनि मुझ फारियै - निजरा बर', निसन बर', डेभिडसन दैमारी, सिमन्त बसुमतारी, स्राबनि बर', सरन नाजारी आरो रिया मेस मोनहा उधिसारदों। बेनि अनगायैबो साब्रै बर' बिजाथिफोरा आसाम सिभिल सार्थिस सुंदयै एस सि एसआव जायगा मोननो हादों आरो गुबुन साथाम बर' बिजाथिआ लेण्ड एण्ड रिभिनिउ सार्थिसआव सायख 'जाबाय। मख 'नो गोनांदि 2018 मायथाइनि ए पि एस सि आनजादआ माखासे बेलेबेजे जेना नुजाथिनयनि जाहोनाव थि समावनो आनजादनि फिथायआ फोसावजायाखैमोन। जाहोनाव बे जेनाया बिबरसालियाव थाबथानानै थानायजों बिजिरसालिया थोंजोडै ए पि एस सि आनजादनि फिथायखौ फोसावनानै होनांगो होनानै बिथोननि उनावसो बे फिथायखौ फोसावदों।

## हिन्दी भाषी बिकाश परिषदआ बि टि .....

आसामनि गिबि मन्थि सर्बानन्द सनवालनिमिम दाबि दैखदों परिषदआ। बि जे पि दैदेननाय मिरु सरकारआ हादराव सबका सात सबका बिकास आरो सबका बिस्वास मोन्थोरनि गेजेरजों बि टि आर ओनसोलाव राइजो जानाय एबा थानाय हिन्दी भाषीफोरखौ समान मोन्थाय नोजेरजों सासे सोद्रोमाखौ थिसननांगो होनानै दिने खौरांगिरि मेलनि गेजेरजों दाबि खालामदों अखिल हिन्दी भाषी बिकाश परिषदि मिरु आफादनि आफादगिरि सन्जय तिवारीआ। दिने कक्राझार सहरआव खुंनय खौरांगिरि मेलआव आफादगिरि सन्जय तिवारीआ बुंबावोदि, बि टि आर खुंथाय गोहोआव थानाय जुथाय सरकारआ हिन्दी राव रायज्याग्रा सुबुंफोरनि जेनाखौ बोस्रानायनि राहा लागोन होनानैबो मिजिंथियो।

## गोथार बरदिन रंजाथाय फोरबोआव मन्थि .....

लानानै फालिनयजों रंजानाय थासारिखौबो नुनो मोनदों। बेबादि गोथार साननि हाबाफारियाव बाहागो लादों आसाम सरकारनि मन्थि प्रमिला रानि ब्रम्माआ। मन्थि ब्रम्माआ कक्राझार सदर सहरनि नांजाबनाय डन बस्क 'आव फालिनय केटलिक गिर्जायाव सहैनानै इशोर जिसुनि मुसुखाखौ सिबिनाय आरो आरज गाबनायजों गोजोननाय फोरमायदों। लो गोसे दिनेनि गोथार बरदिन फोरबोखौ लोब्बा लाखिनानै 4 नं जमदुवार बियाबनि एम सि ए ए रेवेका नाजिहारीजों लो गोसे जे डि 'र 'डआव थानाय बापटिस गिर्जायावबो गोबां खुष्टियान धोरामारिफोरा इशोर जिसुखौ फुजिनानै आर 'ज गाबनायजों लो गोसे मुलुग गोजोन आरो खौसेथिनि थाखाय आर 'ज गाबनाय गोजोन थासारिखौबो नुनो मोनदों।

## बाक्सानि उत्तरकुसिआव बाक्स जिल्ला .....

एस 'सियेसननि नैथि बोसोरारि जथुममा सानसेनि हाबाफारिजों खुंफुंजायो। हाबाफारि बादियै फुंबिलि 8 रिगायाव थान्दैफोरनि मुं थिसन्नाय, 8.30 रिगायाव फिरफिला बिरहोनाय। फिरफिलाखौ बिरहोयो मावफुं आफादगिरि बिनय कुमार बर 'आ। 9 रिगायाव गोसोखों बाउनाय, 9.30 रिगायाव आलारि बाथि फोजोंनाय। आलारि बाथिखौ फोजोडे मुसलपुर दै जगाय बिफाननि आखांन्थि इन्जिनियार निर्मल नाथआ। 9.45 रिगायाव दंफां फुलि गायनाय, 10.30 रिगायाव जिल्ला मावफुं मेल आरो 11 रिगायाव थान्दै जथुम लो गोसे गोदान आफाद दानाय। जिल्ला आफादनि मावफुं आफादगिरि बिनय कुमार बर 'नि आफादगिरि मासि लानानै सामलायनाय थान्दै जथुमखौ बेखेवनानै होयो बाक्स जिल्ला फोरमायथाय आरो सुबुं फोनांजाब बिफाननि बिफानारि हेमचन्द्र पाटकआ। गोदान आफादनि गोजाम आफादखौ सिफायनानै गोदान आफादखौ दानाय जायो। गोदान आफादनि बिबानगिरिफोरा जाबाय फारियै- आफादगिरि बिनय कुमार बर', लेडइ आफादगिरि फारियै रुपक दास, निरेन शर्मा, दिलिप बर', गाहाय नेहाथारि महरै शंकर राजबंशि, आखांन्थि नेहाथारि महरै फारियै रन्जित राजबंशि, नन्द बुराथकि, लब कुमार दास, गौथुमारि नेहाथारि महरै फारियै दिपांकर बरुवा, अमित राभा, मानव कलिता, बोसोनगिरि महरै कार्तिक दास, निकुञ्ज कलिता आरो महेस्वर बर्मन।

## सिंग्रि इडुकेसनेल आरो सेरिटेबल ट्रास्टआ.....

गामि ओनसोलफोराव गोबां गोरिब थाखोनि सुबुंफोरा आलाय-सिलाय जिउ खुंबोनायखौ नुनो मोनबोदों। गोरिब थाखोनि सुबुंफोरा गाव-गावनि उदैखौ सुफुंनो थानायाव खबसे ओंखामनि थाखाय हाजिरा-मजुरा मावनानै जानानायनि गेजेरजों दासान्दि गोजां बोथोराव गान्नाय-जोमनाय, गुदु जिफोरखौ थोजासे फोलोमोनो हाया। बेफोरखौ नोजेर होनानै ट्रास्टआ दिने मोनसे कथ बेंक बेखेवदों आरो बे बेंकनिफ्राय गाननाय जोमनायनि जि-जोमफोरखौ जगायथाय होनाय हाबाफारि लादों। दासिम 500 निबो बांसिन सुबुंफोरा गावसोरनि गोनांथिजानाय गुबुन गुबुन रोखोमनि गानग्रा-जोमग्रा, गस्ता, जेकेत-सुइटर, लंपेन्ट बायदिखौ सायख 'नाने लानानै थादों। महात्मा गान्धीनि आबु आदब खायदाखौ लोब्बा लाखिनानै थानाय 2 अक्टबरनिफ्रायनो बे हाबाफारिखौ जागायजेनदोंमोन होनानै मिथिहोयो। लो गोसे राइजो-राजा सुबुंफोरा गाव-गावनि न 'आव गोसलैसोनानै थानाय एबा गावनि गानखोन्दा जि-जोमफोरखौ ओरैनो दोनाबालानो बे क्लथ बेंकआव दान होफेनो थाखायबो खावलायहरदों ट्रास्टनि नेहाथारिआ।

## आसामनि आबादारिफोरजों गाहाय मन्थि .....

राहानि सायावबो गोनांथार बाश्राखौ बुंधियो। दिने आसामावबो पन्सायट आरो गामि जौगाखां बिफाननि बान्जायनायाव मोनफ्रोमबो जिल्ला आरो जौगाखां खोन्दीआव आबादारिफोरखौ लिंथुमनानै मोनसे हाबाफारि एबा मेल आ खुंनयबो जायो। राइजो-राजनि बाहागो लानायजों बे मेलेखौ साननि 11 रिगानिफ्राय जागायजेननानै गुबुन गुबुन बिथांखि आरो खुंथायनि सोमोन्दै बिबुंधि लाखिनयनि उनावनो आबादारिफोरजों गाहाय मन्थिआ बिबुंधि लाखिनाय एबा सावरायलायनायखौ दिन्थिनाय जायो। बिबुंधियाव गाहाय मन्थिआ मिरु सरकारनि आजावनानै लानाय आबाद आयेननि सोमोन्दैबो गोबां बाश्राफोरखौ बुंधियो। राइज्योनि सरासनसा सुबुंफोरा दिनेनि हाबाफारियाव बाहागो लानानै गाहाय मन्थिनि 18 रोजा कौटि रां थिसननायखौ गोजोननाय फोरमायदों।

# अक्षय कुमारनि मोनै शर्तनि जाहोनाव 'हेरा फेरी 3' आ थाबथानानै थादों

गोदान दिल्ली, 25 डिसेम्बर: बलीउडनि खिलाडी अक्षय कुमारनि सावथुन हेरा फेरीखौ गोबां सुबुंफोर मोजां मोनो। बे सावथुनआ 20 बोसोर सिगां रिलीस जादोंमोन। सावथुनआव अक्षय कुमार, परेश रावल आरो सुनील शेट्टीनि एक्टिंआ सुबुंफोरखौ गोबां एन्टारटेनेमेट खालामदोंमोन। बे सावथुनआ दासिमनि कल्ट कमेडीनि महैर मोन्थिलायो। सावथुन हेरा फेरीनि नैथि बाहागोयाबो सिनेमाहलआव जाफुंसारनो हादों।



थाखायनो मेकासआ हेरा फेरी 'नि गारि थामखि बाहागोखौ बानायनो नागिरदों। आथिखालयाव बेनि थामथि बाहागोया गोबाव समनिफ्राय थाबथानानै दड। माखासे सम सिगां बानायगिरि फिरज

नादियाडवालाया हेरा फेरी 'नि थामखि बाहागोखौ अक्षय कुमार आरो सुनील शेट्टी गैयालासेनो जागायदोंमोन। बेवहाय फिरज नाजियाडवालाया अभिषेक बच्चन आरो जन आब्राहामखौ एन्टी होदोंमोन।

बे सावथुननि शुटिंखौ जागायनायनि माखासे साननि उनाव मेकासआ बेखौ बन्द खालामदों। खोनानाय बायदिव्ला मेकासआ रां ख 'हा जानायनि जाहोनाव बे थांखिखौ लादों। गोदान

खौरांनि बायदिव्ला हेरा फेरीनि मेकासआ आरोबाव खनसे बेखौ जागायफिन्नो नागिरदों आरो बे खेबयाव बियो अक्षय कु मारजों लोगोसेनो बे सावथुनखौ बानायनो थांखि लादों। नाथाय बे अक्षय कुमारआ मेकासनि सिगाडव मोन 2 एरैबायदि शर्तखौ लाखिदों जायनि जाहोनाव बियो जानगर जानादों।

रिपर्टनि बायदिव्ला अक्षय कुमारआ मेकासनियाव सावथुन हेरा फेरी 3 नि प्रफिर्तनि गेजेराव 70 जौखोन्दो बाहागोखौ बिदों। बेजों लोगोसेनो अक्षयआ हास्थायोदि हेरा फेरी 3 खौ राज शान्दिडल्यआ डायरेक्सन खालामो।

## केरी कट 'नाया सिगारेट' सोबनायखौ नागरबाय

गोदान दिल्ली, 25 डिसेम्बर : हलिउड देंखोगिरि केरी कट 'नाया 25 बोसोरनि उनाव थारैनो सिगारेट सोबनायनिफ्राय बारग 'नो हाबाय। 40 बोसोरनि देंखोगिरिया जेब्लानिफ्राय समाय लादों, अब्लानिफ्राय बियो खनसेबो सिगारेटखौ सोबाखे। रिपर्टनि बायदिव्ला केरी कट 'नाया बुंदों, गाव बे




बोसोराव मोनसे थांखि लादोंमोन आरो बेखौ फुरा खालामदों। गाव 14 बोसोर बैसोनिफ्राय सानसेआव गासै 20 सिगारेटफोरखौ सोबोमोन। गोदान बोसोरनि सानाव गाव जेब्ला उन्दुनानै सिखोरी अब्ला गावनियाव बे गंसेल 'सिगारेट दंसैमोन आरो बेखौ सोबनानै सिगारेटखौ आथिखालाव जोब्याय होन्ना लायो। बेनि उन्ननिफ्रायनो दासिमबो गाव सिगारेट सोबाखे। बियो ब्रिटैडनि अके मेगाजिननो फोरमायदोंदि, गाव बेगासआव थानो हास्थायो आरो बेनि थाखाय गाव यजना बानायनांगौनि गोनांथि गैया।

मख 'नो गोनांदि, देंखोगिरि केरी कट 'नाया गावनि एक्स बयफ्रेड रेयान मह 'नीजों लोगोसे गावनि रिलेसनसिपखौ आरोबाव खनसे खाबु होदों। रिपर्टनि बायदिव्ला, निउ मेगाजिननि मोनसे खोलोबआव केरीआ मह 'नीजों लोगोसे गावनि बे रिइडनियनिन सोमोन्दै ब्राशा सावरायदों आरो बेजों लोगोसेनो बियो बेखौबो फोरमायदोंदि थानाय दानआव बिनि एक्स हाजबेन्ड जर्ज के. आ थैनायनि उनाव मह 'नीआव गावखौ सामलायदोंमोन।

## शाहरुख खाननि फिसाजो सुहानाया सोलोंथाय लानो थाखाय निउयर्कआव थांफिनबाय

गोदान दिल्ली, 25 डिसेम्बर: सुपरस्टार शाहरुख खाननि फिसाजो सुहाना खानआ निउयर्कआव थांफिनबाय। बियो मुलुगनाडै होसारनाय करना भाइरासनि उनाव मुम्बाइयाव फैंफिन्दोंमोन आरो माखासे समनिफ्राय नख 'रनि सुबुंफोरजों लोगोसे समखौ हगाहरदोंमोन, नाथाय आथिखालयाव थासारिया एसे मोजां जानायनि जाहोनाव बियो गावनि सोलोंथाय लानायखौ फुरा खालामनो थाखाय निउयर्कआव थांफिनबाय। सुहाना खानआ निउयर्क इडनिभासिटीनि फरायसा। बियो बृहस्पतिबारआव कलेज लाइवैरिनि मोनसे सावगारिखौ शोयार खालामदों। सुहाना खानआ सावगारिखौ पस्ट खालामनानै केषनआव लिस्दों। बेयो गोबां अस्थाय थावमोन। सुहानाया गावनि इन्सटग्राम एकाउन्टनि कमेन्ट बक्सखौ बन्द' खालामदों। बेबायदियाव बिनि बे पस्टआव गोबां कमेन्टफोरखौ नुनो मोन्दों। बेनि सिगां सुहानाया गावनि मोनसे सावगारिखौ शो यार खालामदोंमोन, जे राव इउजारफोरा बिखौ गोबां बाख्नायदों। सासे फेनआ



लिरदों नोंथाडा समायनायनिफ्राय समायनासिन जालांनो हमदों। बेनि अनगयै शानाया कापुर आलिया छिब्यायाबो सुहानानि सावगारियाव कमेन्ट खालामदोंमोन। फोरमायनाय बायदिव्ला सुहाना खानआ

सशेल मिडियानि गेजेरजों माखासे आयदाफोराव गावनि बिबुंथिखौ उदाडै होखांबाय, जाय बिनि गोसोजों सोमोन्दो गोनां, बेनो जादों बोरोन बोखावनाय खान्थि। बावैसो समाव बे केसआव गावनि बिबुंथिखौ होनानै मोनसे गोलाव पस्ट लिस्दोंमोन।

# गाहाम देहानि राहा

## गुसु बोथोराव सानफ्रोमबो थाइबें जायोब्ला लिरथाया थाबैनो खमायगोन



गोदान दिल्ली, 25 डिसेम्बर: जर 'खायै गुसु बोथोराव थाइबें जानाया जोबोद मुलाम्फा गोनां जायो, मानोना बे सानाव गोलोमैनि जाहोनाव दै गाड। सानफ्रोमबो थोजासे बिबाडै दै लोंनाया जोबोद गोनांथार। थाइबेडाव 95 जौखोन्दो दै थायो, बेबायदियाव थाइबें जायोब्ला देहायाव दैनि आंखालखौ सुफुडो। बिदिव्ला फैं थाइबें जानानै मोन्नाय मुलाम्फानि सोमोन्दै मिथिनानै लानि:-

1. थाइबेडाव बिटा केरटीन आरो भिटामिन सि बायदि एन्टि-अक्सिडेन्ट थायो, जाय देहायाव थानाय जौनि देहानि रेखाथि होग्रा नेमखाथिखौ

साबसिन खालामो। जायनि जाहोनाव जों गुसु बोथाराव खनले-खनले बेमाराव गोग्लैया। 2. थाइबेडाव 90 जौखोन्दोसिम दै थायो। बेनिखायनो जाग्रा आदार जानायनि सिगां थाइबेंखौ जानांगौ, जायजों उदै बुंनय मोन्दाडो। नेम बायदिदयै बेबायदिदिये खालामनायजों सप्ताहनै सप्ताहथामनि गेजेरावनो लिरथाया खमायगोन। 3. फुडव सिखारनायाव जुदि खर' सानायनि जेना जायोब्ला उन्दुनायनि सिगां थाइबें जानांगौ। बेयाव भिटामिन बि, शुगर आरो इलेक्ट्रोलाइटस थायो, जाय खर' सानायनिफ्राय बारगनायाव मदत खालामो।

## थाबैनो लिरथायखौ बाडइ खालामनो थाखाय सानफ्रोमबो बे फिथाइ आरो मैगं-थाइगंफोरनि जुसखौ लोंनो हागोन

1. कमलाया गुसु बोथोराव जोबोद मोजां मोनजायो, बांसिन सुबुंफोर कमला जानानै गावखौनो गाहामै लाखिनो नाजायो। अदेबानि कमलाया नोंथांनि देहानि थाखाय मोजां जायो आरो बेयो भिटामिन सि बायदि गोनांथि जानाय गुणफोरजों बुंफबनाय। बेयाव केलरीनि बिबाड जोबोद कमे थायो, बेनिखायनो बेयो लिरथायखौ गोख्रैयै बाडइ खालामनायाव गोहोम गोनां जायो। जुदि नोंथाडाबो लिरथायखौ थाबैनो बाडइ सानफ्रोमबो कमलानि जुसखौ लोंनो हागोन।



2. डालिमआ नोंथांनि लिरथायखौ बाडइ खालामनायजों लोगोसे नोंथांनि बिगुरखौ साबसांहोनायावबो

देहाखौबो गाहामै लाखिनो हागोन। 3. बिटआव गोबां बिबानि देरहोनो-लावहोनो हानायनि गुण थायो आरो मेजेमनि बिबाड जोबोद बाडइ जायो, जाय नोंथांनि लिरथाय बारगनायाव गोहोम गोग्लैया। बेनि अनगयैबो बिटआव गोबां बिबानि फाइबार् थायो, नोंथांनि उदैखौ गाहाम खालामनायाव मदत खालामो आरो लिरथायखौ



गोहोम गोनां जायो। डालिमयाव गोबां बिबाडै देरहोनो-लावहोनो हानाय गुणफोर थायो आरो केलरीआ बाडाइयै थायो। नोंथाडा सानसेयाव खेबसे डालिमनि जुस लोडोब्ला लिरथायखौ बाडइ खालामनायजों लोगोसे

बाडइ खालामनायाव हेफाजाव होयो। बेनि थाखाय नोंथाडा सानफ्रोमबो फुडव बिटनि जुस लोंनो हागोन, बेजों लोगोसे लेबु आरो संख्रि होनानै बेखौ साबसिन स्वाद खालामनो हायो। 4. गाजराव गोबां बिबानि

# जन आब्राहामआ सत्यमेभ जयते-2 नि सुटिं खालामनाय समाव गोब्राब जोखोम जादों

गोदान दिल्ली, 25 डिसेम्बर : बलिउड फावखुंगुर जन आब्राहामआ सुटिंनि खालामनो थाखाय बारानसीआव दहैयो। फोरमायनाय बायदिव्ला सुटिंनि समाव बियो जोखोम जादों, जायनि फाहामथाय लानो थाखाय बियो गंसे गावारि देहा फाहामसालियाव सौहैदोंमोन। आथिखालाव बियो सिगांनिफ्राय साबसिन जाबाय। माखासे समनि उनावनो डाक्टरनि टीमआ बिखौ सुटियाव थांफिननो गनायथि होदोंमोन।



सोलिगासिनो दड। बे सावथुननि मोनसे एक्सन सीनआव सुटिं खालामनाय समाव जनआ जोखोम जादोंमोन। बिनि आखाय थारखायाव जोखोम जादोंमोन। बे जाहोननि

थाखायनो बियो थाबैनो देहा फाहामसालियाव सौहैदों, बेवहाय बिखौ एक्सरे आरो फास्ट एड खालामदों, जायनि उनाव बियो सुटिंआव फैंफिन्दों। जन आब्राहामआ

जेब्ला बृहस्पतिबारआव गावनि फाहामथाय लानो थाडे अब्ला बियो मास्क गानदोंमोन। बेवहाय थानाय सुबुंफोरा गिबियाव जनखौ बेवहाय दड होन्नानै फोथायखैमोन। उनाव

बिखौ बेवहायनो दड होन्नानै फोथायनानै सुबुंफोरा जनजों सावगारि सेबखांजानो होंगो-दोंगो जायो। जनआ गावनि साफ्रोमबो फेन्सफोरखौ गोसो बायहोयाखे आरो बिसोरजों लोगोसे सावगारिबो सेबखां जादों। बेनि सिगां जनआ लक्ष्मीआवबो सावथुन 'सत्यमेभ जयते-2' नि सुटिं खालामदोंमोन।

मख 'नो गोनांदि, सावथुन सत्यमेभ जयतेखौ फँगौ बोसोरनि इदआव रिलिज खालामनो फोसावदों। सावथुनआव जन अब्राहाम आरो दिव्या खसला कुमारखौ गाहाय फाव खालामनाय नुनो मोनगोन।

## आमेरिकानि फ्लरिडायाव थिक थिखाया सुबुंफोरनि थाखाय जेंना गोनां जादों



वासिंटन, 25 डिसेम्बर : आमेरिकानि फ्लरिडायाव थाग्र सुबुंफोरनि क्रिसमास फालिनाय जेंना सोमजिदों। फ्लरिडानि खुंथाया सांग्रांथि होना नै बुंदों, न'निफ्राय बाइजोयाव सांग्रांथि जानानै ओंखार। मानोना इगुआना थिकथिखाया गोलेदेरनो हागौ। बिदुड खम जानायनि जाहोनाव इगुआना थिकथिखाया लाथा खानानै गाहायाव गोलेदों। मियामीनि नेसनेल उइदार साभिंसनि बादिब्ला, क्रिसमासनि सान आरो जोबथा सप्ताहयाव सानशाइन स्टेट फ्लरिडायाव इगुआना थिकथिखायानि थाखाय खैफोद गोनां थासारि जानो हागौ। मानोना बिदुड माइनस

30-40 डिग्रीसिन सौहैनो हागौ। मख'नो गोनांदि, इगुआना थिकथिखाया बांद्राय गुसुखौ सहायनो हाया। बिदुड गाहायाव दावख्लाय लांबला बेयो लाथा खानानै थायो आरो बिफानिफ्राय गोलेदों। बेयो बिफानिफ्राय गोबां गोलेदों हागौ, जायखौ थिकथिखानानि अखा हानाय बादि नुगोन। खुंथायनि बादिब्ला, इगुआना थिकथिखाया थैनाय बादि नुनो हागौ। नाथाय बेयो लाथा खानानै थाब्लाबो गोथाडै थायो आरो सुबुंफोरखौ खहाबो खालामनो हागौ। बेनि गोलाया 5 फुटसिम जानो हागौ आरो लिरथाया 20 पाउन्ड जानो हागौ। □

## मुलुगनाडै करना बेरामिफोरनि अन्जिमाया 7.97 कौटिनिफ्राय बांसिन जादों

गोदान दिल्ली, 25 डिसेम्बर: भारतआव करना भाइरासनि के सयाव गोखै यै दावख्लायनायखौ नुनो मोन्दों। गाहाम देहा मावख'नि गेजेरजों शुक्रबारनि फुडव फोसावनाय अन्जिमानि बायदिब्ला हादतआव थांनाय 24 घन्टानि समाव 23 रोजा 068 केसखौ मोन्नाय जादों। बेजों लोगोसेनो गासै बेरामिफोरनि अन्जिमाया 1 कौटि 1 लाख 46 रोजा 846 जादों। बेसमाव 336 बेरामिफोर थैदों। बेजों लोगोसेनो करनानि जाहोनाव थैनायनि अन्जिमाया 1 लाख 47 रोजा 092 जादों। बेसमाव 24 रोजा 661 बेरामिफोर मोजां जादों। थांनाय 24 घन्टानि समाव 9 लाख 97 रोजा 396 सेम्पलखौ टेस्ट खालामदों आरो दासिमआव 16



कौटि 63 लाख 5 रोजा 762 सेम्पल टेस्ट खालामबाय। फारसेथिं मुलुगनाडै करना बेरामिफोरनि अन्जिमाया 7.97 कौटिनिफ्राय बांसिन जाबाय। 15 कौटि 61 लाखनिफ्राय बांसिन सुबुंफोर मोजां जाबांवाय आरो दासिमयाव 17 लाख 48 रोजानिफ्राय बांसिन सुबुंफोर थैखांबाय। बे अन्जिमाखौ

www.worldometers.info/coronavirus निफ्राय मोन्नाय जादों। मोनथिनाय बायदिब्ला गाहाय मन्थि बरिस जनसनआ हादतअआव लकडाउन होनो गनायाखै। जनसननि बे बिबुंथिया बै समाव फैयो जेब्ला बृहस्पतिवारआव सानसेयावनो थैनायनि अन्जिमाया 574 बांदों। □

## दिल्लीआव मेट्र ट्रेनआ ड्राइभर गैयाजासे खारसिगोन, पिएम मदिआ गनायथि होबाय



गोदान दिल्ली, 25 डिसेम्बर: राजथावनि दिल्लीआव हादतनि गिबि मेट्र ट्रेनआ खारसिगोन आरो बेयाव रावबो ड्राइभर थांनाय नडा। अदेबानि ड्राइवर गैया जासे मेट्र ट्रेनआ खारसिगोन। बेनि अनगायबो गाहाय मन्थिआ एयारपर्ट एक्सप्रेस मेट्र लाइनयाव दावबायनो थाखाय फुली अपारेशनेल नेसनेल कमन मबिलिटि कार्डखौ लन्ध खालामगोन। दिल्ली मेट्र रेल कर्परशन (डिएमआरसि) आ बेखौ आबुडै थियारि खालामबाय। ड्राइभर गैयाजासे सालायग्रा मेट्र ट्रेनआ दिल्लीयाव जनकपुरि वेस्टखौ नएडानि बर्टनिकेल गार्डनजों सरजाबगोन। बेनि जानथाया गासै 37 कि:मि:। दिल्ली मेट्रआ थांनाय 2002 नि 25 डिसेम्बरनिफ्राय जागायदोंमोन। बै समनि गाहाय मन्थि अटल बिहारि बाजपेयीआ डिएमआरसिनि शाहदरनिफ्राय 30 रोजासिन 8.2 कि:मि: गोलाव गिबि खान्डखौ बेखेवदोंमोन, बेयाव गं 6 स्टेशन दडमोन। आथिखालाव डिएमआरसिनि गं 242 स्टेशनफोरजों लोगोसे गं 10 लाइनफोर दडआरो सानफ्रोमबो दिल्ली मेट्रआ 26 लाखनिखुइ बांसिन दावबायारिफोरा गाखोयो। □

## ब्रिटेइनआव दासिमआव 6 लाखनिफ्राय बांसिन सुबुंफोरनाव करना भेक्सिन थुबाय

वासिंटन, 25 डिसेम्बर : मुलुगनाडै गोसारनाय करना इनफेक्सननि गेजेराव ब्रिटेइनआव दासिमआव 6 लाखनिफ्राय बांसिन सुबुंफोरखौ करनानि भेक्सिन थुबांवाय। ब्रिटेइननि सरकारआ बृहस्पतिवारआव बुंदोंदि, ब्रिटेइनआ 6 लाखनिफ्राय बांसिन सुबुंफोरनो फाइजर बाय'एन्टेकनि करना भेक्सिननि ड्रपखौ होखांवाय। ब्रिटेइनआव बे दाननि जागायनायाव सुबुंफोरनो करना भेक्सिन थुनायखौ जागायदों। सरकारआ अन्जिमाखौ सोराडव लाबोदों जाय फोरमायोदि, ब्रिटेइनआव 8 डिसेम्बरनिफ्राय 20 डिसेम्बरनि गेजेराव भेक्सिन थुजाया सुबुंफोरनि अन्जिमाया 6 लाख 9 रोजा 990 जाबाय। मुलुगनाडै करना इनफेक्सनजों बयनिखुइबो बांसिन भुगिनांनय आमेरिकायाव दासिमआव 10 लाखनिफ्राय बांसिन सुबुंफोरनो



भेक्सिननि गिबि ड्रपखौ होनाय जाबाय। बिबानिगिरिफोरनि बायदिब्ला जानुवारीनि गिबि सप्ताहहिसमआव 2 कौटि सुबुंफोरनो करनानि हेंथायै टीका थुनाय जागोन। आमेरिकानि देहा बिथोनगिरि रबर्ट रेडफिल्डआ बुधबाराव बुंदोंदि, आमेरिकायाव 2 लाखनिफ्राय

पलिसि बानायदों। बेवहाय जाग्रा आदारखौ गारब्ला सुबुंफोरा आरो रेस्टुरेन्टनि सायाव जुरिमाना लागायनाय जागोन। बे गासिखौबो हादतगिरि शी जिनपिनि अपारेसन एमटि प्लेटनि गेजेरजों खालामनाय जादों, जाहाथे सुबुंफोरखौ बेसेबाल' जाग्रा आदारखौ जाहोनो हायो, जेसेबां बिनो गोनांथि जायो। गोदान पलिसिनि बादिब्ला, रेस्टुरेन्टयाव जाग्रा आदार जाग्राफोरा गावनि नख'रनि सोद्रोमाफोरनिफ्राय बांसिन जाग्रा आदारखौ अडर खालामनो हानाय नडा आरो प्लेटयाव जाग्रा आदारखौ गारना थांब्ला 10 रोजा युआन एबा 1.12 लाख सिमनि जुरिमाना नांनो हागौ। रेस्टुरेन्टनोबो बे आयेननि गोहोखौ होनाय जागोनदि, जाहाथे बिबो जाग्रा आदार गालांनयनि सायाव जुरिमाना लागायनो हायो। □

## ब्रेजिट ट्रेड डिलनि सायाव ब्रिटेइन आरो इउर'पियान इउनियनआ गनायथि लायबाय

लन्डन, 25 डिसेम्बर : ब्रिटेइन आरो इउर'पियान इउनियननि गेजेराव ट्रेड डिलनि सायाव गनायथि लानाय जादों। रादाय खानायनि उनाव ब्रिटिस गाहाय मन्थि बरिस जनसनआ गावनि मोनसे सावगारिखौ ससियेल मिडियाआव पस्ट खालामदों। बेवहाय बियो लिरदोंदि, गावसोर गावसोरनि मुलाम्फाखौ लाफिनो हाबाय। ब्रिटेइननि इउर'पियान इउनियननिफ्राय आलादा जानाया 1 बोसोर फुरा जानोसै। बेनि सिगानो बे रादाय खानाया फाइनाल जादों।

आथिखालाव ब्रिटेइनआ फैनो गोनां माखासे सानफोरनि गेजेराव इउर'पियान इउनियननि इक'नमिक स्ट्रक्सरनिफ्राय आलादा जागोन। माखासे दानसिम सोलिबाय थांनाय जेंना आरो बिबुंथि होनायनि गेजेराव लासै लासै मोनैबो हान्जाया मोनथाम गिदिर आयदानि सायाव जेंनाखौ जानगार खालामबाय बेवहाय फेयार कम्पिटिसन रुल्स, इयुनि जेंनाखौ सुसांनयनि मेकेनिज्मखौ थियारि खालामनाय आरो ब्रिटेइननि लैथोमायाव इउर'पियान इउनियननि नावफोरनो ना हमनायनि मोनथायखौ होनाया दंफा देरो। ना हमनायनि आयदाया बे रादाय खानायाव गिदिर जेंना सोमजिहोदोंमोन। □



बांसिन सुबुंफोरखौ करना भेक्सिनखौ थुबाय। बेयो जागाय जेन्नाय नाथाय गाहाय जाफुं सारनो हानाय। आमेरिकायाव फाइजर आरो मडननि भेक्सिनआ गनायथि मोन्दों। हादतआव 14 डिसेम्बरनिफ्राय टीका थुनायनि हाबाफारिया सोलिलों। □

# चीनआ जाग्रा आदार गारग्राफोरनि सायाव जुरिमाना लागायगोन



## तुर्कीआव 99 टन सनानि बाखि मोन्दों

गोदान दिल्ली, 25 डिसेम्बर: तुर्कीआव 99 टन सनानि बाखिखौ मोन्नाय जादों। तुर्कीनि निउज एजेन्सि एनाडलुनि बादिब्ला बे सनानि बाखिखौ गंसे फाटिलाइजर कम्पानी गुबेरटासआ एग्रिकालसार क्रेडिट क-अपरेटिवनि कान्ट्री हेड फाइरेटिन पयाराजों लोगोसेथै सं दानो हादों। बे सनानि बाखिनि बेसेना 600 कौटि डलार रं। सनानि बाखि मोन्नायनि खौरं मोन्नाय लोगो-लोगोनो तुर्कीनि स्टक एक्सचेन्ज बसां इसटान्बुलयाव गुबेरटासनि शेयारआ 10 जौखोन्दो दावखोदों। बेजों तुर्कीनि रांखान्थि बेबस्थाया बांगोन। सनानि बाखिखौ तुर्कीनि सेन्ट्रल वेस्ट सगुडआव मोन्दों। तुर्कीआ 2020 आव 38 टन सना दिहुन्नानै आगुनि



रिकर्डखौ सिफाय खांवाय। जेराव एनार्जी मिनिस्टर फेथ डनमेजआ बोसोरसेयाव 100 टन सना दिहुन्नो थांखि लादोंमोन। गोदान सना बाखिनि बेसेनखौ लानानै हमदानानै लानाय जादोंदि, बेयो माखासे हादतफोरनि गासै जिडिपिनिफ्रायबो बांसिन जागोन। वर्ल्ड मेटरनि बादिब्ला

मालदीबनि जिडिपिआ 487 कौटि डलार, जेराव बरुन्डीआ 317 कौटि डलार। लाइबेरियानि जिडिपिआ 329 कौटि डलार, भुटाननि जिडिपिआ 253 कौटि डलार। बेनि अनगायै बारबाडस, गुयाना मान्टेनेग्र आरो मारीवानियानि इकन'मियाबो 600 कौटि डलारनिफ्राय खम। □

## भारत आरो चीनआ सान्थियारि सावरायनायनि थाखाय राजि जाबाय



गोदान दिल्ली, 25 डिसेम्बर: भारत आरो चीनआ खेबसेबाव सान्थियारि सावरायनायनि थाखाय थियारि जाबावबाय। गुबुन हादतयारि बिफानआ थांनाय बृहस्पतिवारखालि बुंनाय बायदिब्ला, सान्जा लादाखआव थांनाय सिमना ओन्सोलनिफाय सान्थिफोरखौ थाबैनो आबुडै लाबोफिनो थाखाय भारत आरो चीनआ सान्थियारि थाखोनि सावरायनायनि सायाव राजि जाबाय। बे सावरायनाया थाबैनो जानो हासिगौ। गुबुन हादतयारि बिफाननि बुंथिगिरि अनुराग श्रीवास्तवआ बुंनाय बायदिब्ला, सोलोखान्थि आरो सान्थियारि सावरायनायजों दरनैबो हादतफोरा बे आयदानि सायाव गावजों गाव बुजिलायनायाव मदत मोन्दों। मख'नो गोनांदि, थांनाय सप्ताहयाव भारत आरो चीननि

गेजेरजों आरोबाव मोनसे थाखोनि सोलोखान्थियारि सावरायनाय जादोंमोन। बे सावरायनाया भारत आरो चीन सिमनाखौ लानानै सावरायनो थाखाय जादोंमोन। बे गोजौ थाखोनि जथुमानि समाव फारनैबो बाहागोयाव बे बाथ्रानि सायाव गनायथि होदोंमोनदि, सान्जा लादाखआव थांनाय सिमना ओन्सोलाव जेंना गोनां गासै जायगाफोरनिफ्राय थाबैनो सान्थिफोरखौ लाबोफिनो थाखाय खामानि मावगोन। बेनि सोमोन्दै श्रीवास्तवआ बुंबावदों भारत आरो चीननि गेजेराव सोलोखान्थि आरो सान्थियारि चेनेलफोरनि गेजेराव सावरायनाया सोलिगासिनो दड। थांनाय माखासे दाननिफ्राय चीननि दै ओन्सोलाव थाबथानानै थांनाय गंने माल रोगाग्रा जाहाजफोरनि केसखौ लानानै भारत भारत सरकार गोबां

जिंगायाव गोलेदों। बेखौ थाबैनो सुखानो थाखाय भारतआ चीननि खुथायजों लान्थियै सोमोन्दो लाखिदों। बे गंने जाहाजफोराव सालायग्रा दोलोनि सा 39 भारतआरि नोगोरारिफोर गाखोदोंमोन। बे बाथ्रानि भारतआरि गुबुन हादतआरि बिफाननि बुंथिगिरि अनुराग श्रीवास्तवआ थांनाय बृहस्पतिवारखालि बुडो। बिथाडा बुंदों माल रोगाग्रा जाहाज एमबि जग आनन्दआ थांनाय 13 जुननिफ्रायनो चीननि हुबेइ ओन्सोलाव थांनाय जिट बन्दरगाहनि खाथियाव दड। बेयाव सा 23 भारतआरि सालायग्रा दोलो महरै गाखोदों। गुबुन गंसे जाहाज एमवी अनासतासियाआव सा 16 बारतआरिफोरा सालायग्रा दोलो महरै गाखोदों। बेयो 20 सेप्टेम्बरनिफ्राय चीननि कअफिदियन बन्दरगाहनि खाथियाव थाबोगासिनो दड। □

## अलिम्पिकनि थाखाय गेलेनो थियारि जानाय गेलेगिरि आरो कचफोरखौ सिगां कभिड भेक्सिन होनो थांखि लाबाय

गोदान दिल्ली, 25 डिसेम्बर: पार्लियामेन्टनि मोनसे पेनेलआ बृहस्पतिबारखालि थांखि लादोदि, कभिड-19 निफ्राय रेखा मोनो भेक्सिन होनायनि राहा लानायाव हादतनि गेलेगिरिफोर सिगांग्रो भेक्सिनखौ मोनांगो। मख'नो गोनांदि, जापाननि राजथावनि टकिय सहराव फेगौ बोसोरनि जुलाइ दाननिफ्राय खुंजानो गोनां अलिम्पिक गेम्सनि थाखाय गेलेनो थियारि जानाय हादतनि गेलेगिरि, कच आरो लोको स्टाफफोरखौ सिगां भेक्सिन होनायनि थाखाय पार्लियामेन्टनि मोनसे कमिटीआ थांखि लादो। कमिटीआ बुबावदोदि, अलिम्पिक बायदि गेलेमुनि बादायलायनायाव जाहाथे हादतनि सासेबो गेलेगिरिफोरा



कभिडजो सन्देरजाया आरो भुगिनाड। बेखौ नोजोर होनाइ कमिटीआ सिगांग्रो गेलेगिरिजो लोकोसे कचफोरखौ भेक्सिन होनांगो होनाइ थांखि लादो। बोसोरसेनि थाखाय दोन्थ'जानाय टकिय अलिम्पिक गेम्सआव बाहागो लानो भारतनि गुबुन गुबुन गेलेमुनि गेलेगिरिफोरा गेलेनो बे समाव थियारि जाबाय। बेनि सिगांगो गेलेगिरिफोरखौ कभिडनिफ्राय रेखाथि होनाय बे थांखिखौ सिगाडाव दोनानै सिगांग्रो कभिड भेक्सिन होनायनि थांखि लादो। बे अलिम्पिक गेम्सनि थाखायनो क्वालिपाइड जानाय हादतनि गेलेगिरिफोरखौ दासान्दि ट्रेनि लानाय, फोरोंथाय होनाय बायदि बिथिडाव गासैबो खाबुखौ होनांगोनि कमिटीआ थांखि लाबावदो। कमिटीनि मैया मोनसे गोनांथार जथुमनायाव फेगौ अलिम्पिक गेम्सनि थाखाय गेलेगिरिफोरनि साखा-फारा जानायनि फारसेबो सावरायनाय जायो। बे जथुमनाय गोनां मेलनि गेजेरजो पार्लियामेन्टनि कमिटीआ थांखि लानानै कभिड भेक्सिन होनायनि राहा फारियाव गेलेगिरिफोरखौ सिगांग्रो भेक्सिन होनांगोनि मोनसे आर'जलाइखौ राइज्यो सभानि मासिगिरि एम बेंकाया नायडुनो गथायनाय जायो। बे लाइजामनि गेजेरजो हादतनि साफ्रोमबो गेलेगिरिफोरखौ भेक्सिन होनो थांखि लानायखौ मिथिहोदो।

# भारतआ 4 थि खेब हकि वर्ल्ड कापखौ खुंनो खाबु मोन्दो

## उरिष्यानि राउकेलायाव हादतनि देरसिन हकि स्टेडियाम फसंनो थियारि

उरिष्या, 25 डिसेम्बर: उरिष्यानि गिबि मन्थि नबिन पाटनायकआ बृहस्पतिबारखालि फोसावनाय बायदिब्ला राइज्योनि राउकेलायाव हादतनि देरसिन हकि स्टेडियामखौ बानायनाय जागोन। गिबि मन्थिआ बुबावदोदि, बे स्टेडियामआव 20 रोजा नायग्रा अन्सायारिफोर जिरायनो हानायनि खाबु थागोन। बेजो लोकोसे हौवाफोरनि हकि वर्ल्डकापखौ फेगौ 2023 माइथायाव खुंनो खाबु मोनायजो बे वर्ल्ड कापनि गेलेनायखौ गोदाने लुफुनाय स्टेडियामआव गेलेहोगोन होनानै गिबि मन्थिआ



मिथिहोयो। मख'नो गोनांदि, भारत हादतआव बेनि सिगां 1982, 2010 आरो 2018

माइथायाव हकि वर्ल्ड कापखौ खुंखांबाय। अदेबानि बे खेबाव भारत हादतआ हकि गेलेमुनि

देरसिन बादायलायनाय वर्ल्ड कापखौ खुंनो खाबु मोनाया दासिम 4 थि खेब जाबाय।

उरिष्यानि गिबि मन्थिआ मिथिहोबावनाय बायदिब्ला हादतनि देरसिन लुफुनो लानाय हकि स्टेडियामखौ बिजु पाटनायक टेकनिके ल इडनिभासिटीनि केम्पासयाव खमैबो 15 एकर हायाव लुफुनाय जागोन। गिबि मन्थि पाटनायकआ मोनसे भिडिनि गेजेरजो मिथिहोयोदि, उरिष्या राइज्योयाव फिन खेबसेबाव 2023 नि हकि वर्ल्ड कापखौ

खुंनाय जागोन। बे वर्ल्ड कापनि गेलेनाय मेचफोरखौ बुभनेस्वर राउकेला स्टेडियामआव गेलेनाय जागोन। गिबि मन्थिआ बुडेदि, सुन्दरगर जिल्लाआ कहि रोगीथिनि मोनसे पावर हाउस जानानै द। बे जायगानिफ्राय गोबां गेलेगिरिफोरा हादतनि जानानै मुलुगनां गेलेग्रा फोथाराव गेलेनो हगामिनो। दिलिप टर्की आरो सुनिता लाक्रामोन बायदि गेलेगिरिया हादतखौ गेलेनायनि गेजेरजो मान खालामनो हादो आरो बे जिल्लानि मुंखौबो मुलुगनि गेजेराव गोसारहोनो हादो होनानै बुडे। भारतनि हकि हान्जायाव उरिष्यानि सन्दरगर जिल्लानि गेलेगिरिफोरा गोबां बिहोमा होनो हादो। जायनि थाखाय राउकेलायाव गोदान हकि स्टेडियामखौ बानायफुनाय जागोन होनानै बुडे। फेगौ 2023 माइथायनि हौवा हकि वर्ल्ड कापनि गेलेनाया 13 जानुवारीनिफ्राय 29 जानुवारीसिम सोलिबाय थागोन।

## अष्ट्रेलियान अपेनआव गेलेगोन रजार फेडारार, राफेल नाडाल आरो जकबिसआ

सिडनी, 25 डिसेम्बर: बोसोरनि गिबिसिन ग्रेन्ड-स्लेम अष्ट्रेलियान अपेननि बे सिजननि गेलेनाया फेगौ जानुवारी दानाव खुंजानो गोनांमोन। नाथाय माखासे थासारिखौ नोजोर होनानै अष्ट्रेलियान अपेननि गेलेनायखौ फेब्रुवारी दानाव खुंनो थांखि लायो। अदेबानि फेगौ बोसोरनि 8 फेब्रुवारीनिफ्राय अष्ट्रेलियान अपेननि गेलेनाया जागायजेनगोन। अपेननि खुंफु आफादआ बे टुर्नामेन्टयाव बाहागो लागोन गेलेगिरिफोरनि



मुंखौ दिने फोसावना होबाय। टुर्नामेन्टि डाइरेक्टर क्रेग टिलेआ बुनाय बायदिब्ला बोसोरनि गिबि ग्रेन्ड-स्लेम टेनिस टुर्नामेन्टआव सुइजार्लेन्डनि गेदेमा गेलेगिरि रजार फेडारार, नवाक जकबिस, राफेल नाडाल, एस्ले बाट्टि, नवामि अशका आरो सेरेना उइलियाम्सजो लोकोसे मुलुगनि गोबां टेनिस गेलेगिरिफोराबो बाहागो लागोन। डाइरेक्टर मिथिहोबावदोदि, अष्ट्रेलियान अपेनखौ थि समाववो खुंनो हायाखैब्लाबो नाथाय फेब्रुवारी

दानाव खुंनो थांखि लाफिन्याया जोबोद गोजोन्थाव। मख'नो गोनांदि, बोसोरे अष्ट्रेलियान अपेननि गेलेनाया 18 जानुवारीनि फ 1 य जागायजेनोमोन। 39 बोसोर बैसोनि रजार फेडारारआ थांनाय माखासे सानफोरनि टुर्नामेन्टआव गावनि देहाखौ साजार्नि खालामजानानै दासान्दि मोजाडाव फेफिन्यायजो बोसोरनि गिबि ग्रेन्ड-स्लेमआव बाहागो लानो थियारि जादो। फारसेथि 24 खेब ग्रेन्ड-स्लेम देरहानाय सेरेना उइलियाम्सआबो

बे गिदिर टेनिस टुर्नामेन्टआव बाहागो लानो थांखि लादो। गुबुन फारसेथि 9 थि खेब अष्ट्रेलियान अपेनखौ देरहानो हानाय साभियानि नबाक जकबिसआबो बे बोसोरनि अपेनाव गेलेगोन। बेनि अनगायैबो मुलुगनां आइजो टेनिस रेंकिंयाव सेथि जायगा लानानै गेलेनाय एस्ले बाट्टेआबो गेलेनो बाथा होदो। गुबुन फारसेथि बे सोलिफु बोसोराव माखासे टेनिस टुर्नामेन्टखौ देरहानो हानाय स्पेइनि राफेल नाडालआबो गावनि बाहागो लागोनखौ थियारि जादो आरो बे टुर्नामेन्टनि मेच गेलेनायखौ नायनो थाखाय स्टेडियामआव नायग्रा अन्सायारियाफोरखौ थिसन्तो अष्ट्रेलिया सरकार गनायथि होदो। टुर्नामेन्टनि खुंफु आफादआ मिथिहोनाय बायदिब्ला बाहागो लागोन मुलुगनि साफ्रोमबो गेलेगिरिफोरनि देहायाव कभिड टेस्ट लागोनाय जागोन आरो नायग्रा अन्सायारिफोराबो कभिडनि प्रटकलखौ मानिनानै स्टेडियामआव हाबनो हागोन।

## मेनसिस्टार इउनाइटेडआ लीग कापनि सेमि फाइनलयाव सहैबाय



लन्डन, 25 डिसेम्बर: सिटी क्लाबआ 3-1 गलनि सिजननि लीग कापनि गेलेनाया दासान्दि सोलिबाय थानायनि गेजेराव मैया गेलेनाय मोनसे मेचखौ देरहानो हानानै थौंजोडे सेमि फाइनलयाव सहैनो हादो मेनसिस्टार इउनाइटेड क्लाबआ। मिथिनाय बायदिब्ला हान्जानि गेलेगिरि एडिन्सन काबानि आरो एन्तनि मार्सेलिन गल होनाय हेफाजाबजो मेनसिस्टार इउनाइटेडआ 2-0 गलाव एभार्टन क्लाबखौ गोब्राबजो फेजेन्ने हानानै सेमि फाइनललाव सहैनो हायो। लीग कापनि गोनांथार मेच एबा सेमि फाइनल मेचखौ मेनसिस्टार सिटी आरो मेनसिस्टार इउनाइटेड क्लाबनि गेजेराव गेलेगोन। बेनि सिगां

सिटी क्लाबआ 3-1 गलनि फारागथियाव टनेहम हटस्पूर क्लाबनि हेंथायै देरहानो हानानै सेमि फाइनललाव सहैदोमोन। मैया गेलेनाय मेचखौ इउनाइटेड क्लाबआ देरहाथारनो थांखिजो सिगांनिफ्रायनो गोखो गेलेनायनि गेजेरजो गोबां गल होनो नाजासेयावबो गिबि हाफ टाइमाव फेले जानानै समान-समान जायो। अदेबानि नैथि हाफ टाइमनि गेलेनाय समआ जोबनायनि लामायाव फेनाय समनि एबा 88 मिनिटआव गेलेगिरि एडिन्सन काबानिआ गलखौ होनो हानायजो 1-0 आवगायनो हायो आरो बेनि उनाव उफ्रा समाव गेलेगिरि एन्टिनिया नैथि गलखौ जोसन्नो हायो। 2-0 गलजो गेजेराव गेलेगोन। बेनि सिगां

दांदिसे समनि उनाववो गेलेनाय समाबो जोबथायो आरो बे मेचखौ गोब्राबजो देरहानो हानानै सेमि फाइनललाव सहैयो। फेगौ बोसोरनि 25 एप्रिल खालि लीग कापनि फाइनल मेचखौ मोनै हान्जानि गेजेराव गेलेगोन। अदेबानि इउनाइटेड आरो सिटी क्लाबनि गेजेराव जाय हान्जाया सेमि फाइनल मेचखौ देरहागोन बे हान्जायानो फाइनललाव सहैनो हागोन। गुबुन फारसेथि एडिन्सन क्लाबआबो 3-2 गलनि फारागथियाव गिजिय क्लाबखौ फेजेन्ने हानायवाव गोब्राबजो जाफुसारदो। बे मेचखौ देरहानो हानानै एडिन्सन क्लाबनि सिटी ए पइन्टनि फारिलाइयाव सेथि जायगा आवग्रिनो हायो।

## 2021 नि जुनियर फिफा वर्ल्ड कापखौ कभिडनि थाखाय दोन्थ 'बाय



लन्डन, 25 डिसेम्बर: मुलुगयाव कभिड-19 नि गोसारनाय थासारिया दासान्दि मोजाडाव फेनायनि सोलाय बांसिन जाफिन्यायनि लामायावसो फेदो। बे थासारिखौ नोजोर होनानै फुटबल गेलेमुनि देरसिन आफाद सुंदरै फिफाआ 2021 नि जुनियर वर्ल्ड कापखौ दोन्थ'नायनि थांखि लाबाय। आन्डार-17 आरो आन्डार-20 नि फुटबल वर्ल्ड कापखौ दोन्थ'नो थांखि लानायनि गेजेरजो 2021 नि जायगायाव बे बादायलायनायखौ 2023 माइथायाव खुंनायनि थांखि लाफिन्दो। फिफानि काउन्सिलआ वर्ल्ड कापखौ दोन्थ'नायनि थांखि

लानाया जोबोद गोब्राबमोन होनानै फोरमायदो। फिफाआ बुडेदि, कभिड-19 नि गोसारनाय थासारियाव गेलेनाया जाथावना नड अदेबानि सासेबो गेलेगिरिखौ बे थासारियाव ख'हा खालामनो सानैजो थौंजोडे गेलेनायखौ दोन्थ'नायनि थांखि लायो। मख'नो गोनांदि, आन्डार-17 वर्ल्ड काप फुटबल बादायलायनायखौ फेरु हादतआव खुंनायनि थांखि लादोमोन आरो बे वर्ल्ड कापखौ 2023 माइथायाव खुंफिन्याय जागोन होनानै फिफाआ रोखा बाथाखौ मिथिहोयो।



थाखाय बे समाव थियारि जादो। खूपमास सप्ताहायाव गेलेगिरिफोरा गावसोरनि नख'रजो थानाय नड। मख'नो गोनांदि, थांनाय 40 बोसोरनि गेजेराव बेबायदि गिबि खेब जादोदि, जेब्ला अष्ट्रेलियानि गेलेगिरिफोरा नख'रनि अनगायै बक्सिं डे टेस्ट मेचखौ गेलेगोन। दासिम बक्सिं डे टेस्ट मेचखौ अष्ट्रेलिया, इंग्लेन्ड, निउजिलेन्ड आरो खोला आफ्रिकाया गेलेखांबाव। बक्सिं डे टेस्ट मेचखौ 1950 माइथायाव सिगां गेलेदोमोन आरो बेनि उनाव 1980 माइथायाव गिबि खेब अष्ट्रेलियानि गेलेगिरिफोरजो लोकोसेथै नख'रनि बिसि-फिसायाबो दंफायोमोन। अष्ट्रेलिया क्रिकेट हान्जानि कच जास्टिन लेंगरआ बुडेदि, थांनाय 50 बोसोरनि उनाव बेबायदि गिबि खेब जादोदि, जो गाव-गावनि नख'रजो खूपमास फोर्बाखौ फालिनो खाबु मोनाखै। कचआ मिजिथिदोदि, गेलेगिरिफोर गेलेबाय थानाय मेचनि गेजेरजोबो मोजाडे समखौ बारहोहगोन। बक्सिं डे टेस्ट मेचनि थाखाय अष्ट्रेलियान सरकार क्रिकेट स्टेडियामआव 30 रोजा नायग्रा अन्सायारिफोरखौ थिसन्नायनि गनायथि होनायबो जादो। दासान्दि मोनब्रे टेस्ट मेच सिरिजनि गिबि मेचखौ अष्ट्रेलियानि हेंथायै जेनानै भारतआ 1-0 मेचजो उनफिनानै दं। भारतनि गेलेगिरिफोराबो गाव-गावनि नख'रनि सोद्रोमाफोरखौ जानगायाव दोनानै गुबुन हादतआव टेस्ट मेच गेलेनायजोसो समखौ बारहोहरो थियारि जादो। मख'नो गोनांदि, मुलुगनि गेजेराव टेस्ट सिरिजखौ अष्ट्रेलियान हादतआव बक्सिं टेस्ट मेच महैरे गेलेहोनाय जायो। मानोना सोलिफु डिसेम्बर दानाव गेलेनाय टेस्ट मेचखौनो बक्सिं डे टेस्ट सिरिज मुं होनानै गेलेहोदो। नाथाय बेक्सिं डेआ बक्सिं गेलेमुजो जेबो सोमोन्दो गैया।